

حزب عدل

برنجی سنه

۱۹ کانون اول ۱۳۳۵

جمعه ایرتسی نومرو : ۲

قائم مقام

نوبیرات عدل

- | | |
|--|---|
| قوصوه ولایتی مرکز بدایت محکمه سی اعضاسنندن | طاشلیجه سنجانی بدایت محکمه سی جزا دائره سی ریاستی |
| یعقوب راسم افندی به | |
| ولایت مذکوره مرکز بدایت محکمه سی اجرا ماموری | قوصوه ولایتی مرکز بدایت محکمه سی اعضا الفی |
| ابراهیم افندی به | |
| پره شوه قضاسی بدایت محکمه سی جزا دائره سی رئیس | قومانوه قضاسی بدایت محکمه سی جزا دائره سی ریاستی |
| نجیمی افندی به | |
| اشتیب قضاسی بدایت محکمه سی جزا دائره سی رئیس | پره شوه |
| مصطفی جمیل افندی به | |
| قوصوه ولایتی استیناف محکمه سی اعضا ملازملرندن | اشتیب |
| حسین حلمی افندی به | |
| ولایت مذکوره بدایت محکمه سی اعضا ملازملرندن | قوصوه ولایتی استیناف محکمه سی اعضا ملازملکی |
| احمد حمدی افندی به | |

غوسینه » » » ترغویشته قضاسی بدایت محکمه سی مدعی عمومی
معاونی سلمان فائق افندی به

ترغویشته » » » قولاشین قضا سی بدایت محکمه سی مدعی عمومی
معاونی مسعود افندی به

قولاشین » » » اشتیاب قضای بدایت محکمه سی مدعی عمومی معاونی فواد افندی به

اشتبیه » » »
 قائلان دل قضای بدایت محکمه سی مدعی عمومی
 معاونی عمر افندی به

ایک » » »
 پرہ شوہ قضاسی بدایت محکمہ سی اعضاسنندن یونس
 محری افندیہ

برشته سنجایی بدایت محکمه سی جزا دائره سی ریاستی
برشته سنجایی بدایت محکمه سی اعضا سندن عارف افندی به
ایک قضاسی » » » » سلیمان ذکی »

طاشلیجه » » مدعی عمومی معاونانکی سنیچه سنجانی بدایت محکمه سی اعضاسندن داود »
سنیچه » » اعضاالغی قوچانه قضاسی » » عاکف »

پرستنه » » »
 پرزرین » » »
 مکتب سلطانی و حقوقدن مأذون یوان شانتر یی » » »
 قوچو » » »

طاشليجه » » »
قوصوه ولايتي ملغا محكمه فوق العاده باش كاتب معاوني
مدحت افندي»

محکمہ تمیز باش مدعی، عمومی کی معاوضہ کی

نظیف بک
درسعات بدایت محکمہ سی مدعی عمومی معاون لکی
عدلیہ نظارتی امور جزائیہ قلمی کتبہ سنندن و مکتب

حلب ولایتی استیتاف محکمہ سی اعضا لگی

استیناف محکمه سی اعضا الغه تعیین بیورلش ایکن
مأمور تی اجرا اوله همان مقصود افندی

ماردین سنجاغی بدایت محکمه سی مدعی عمومی معاونت کی کرپه بدایت محکمه سی رئیس اسبقی بدرالدین افندی به صندوقی قضاسی » » جزا دائره سی ریاستی صاری شعنان قضاسی بدایت محکمه سی مدعی عمومی

معاون سابق صادق افندي به

مترو و یچہ » » »
یکی بازار قضاسی بدایت محکمہ سی جزا دائرہ سی رئیس
حسام الدین افندی بہ

تفویض بیورلش ومومی الیهمدن مخالف اولیان آخلیا و شانتریح افندیلرک اصول مقررہ وجہہ امر تخلفلری دردست اجرا بولنمشدر .

بیروت ولایتی استیناف محکمہ سی مدعی عمومی معاون لای

» » » » اعضاء

برنجی محکمہ تجارت برنجی صنف کتبہ سدان و مکتب

حقوقك على الاعلى درجه مأذونان نندن ذكر يا مظلوم بکه

مرعش سنجانی بدایت محکمه سی مدعی عمومی

معاونی نجیب وانقرده دعوی وکیلی مکتب حقوق

ماذونارندن صالح سري ويا فیه قضایای بدایت محکمه سی

جزا دائرہ سی رئیس عثمان رمزی و بیروتہ دعوی

وکیلی عبدہ ناصر الدین، عونى اسحق نجیب فرعون،

الیاس طرات ، قدس شریف دعوی وکیلرندن

و مکتب حقوق مأذونان نردن نجیب افندی ابوصوان

مکتب حقوق دین اعلیٰ درجہ دہ ماذون احمد مختار ،

ولایت مذکورہ استیناف محکمہ سی اعضا ملازم

سابقہ عارف افندیہ

مکتب حقوق دین اعلا درجہ دہ مادیون مصطفیٰ

الخالدی افندی به

مکتب حقوقدن اعلا درجده ماڏون عبدالوهاب،

بیر تده دعوی وکیلی شیخ سلیم جارودی مکتب

حقوقدن اعلا درجهده ماذون نصری نجاش ،

بیروتہ دعوی وکیلی مکتب حقوقدن ماذون

سليمان بالين افندي يه

معلقہ قضایں بدایت محکمہ سی جزا دائرہ سی

ریسی محمود صادق افندیہ

۱. گری دره قضاسی بدایت محکمه سی مدعی، عمومی

معاونی محمد ظریفی افندیہ

ادرنه ولایتی استیناف محکمه سی اعضا لغی

مع القره قضاسی بدایت محکمہ سی جزا دائرہ سی ریاستی

اکری دره قضاسی بدایت محکمه سی مدعی عمومی معاون کی

رخسار افندی به

ادر نه ولایتی استیناف محکمه سی اعضا لغی

ولایت مذکوره بدایت محکمه سی اعضا سندن

دیمتر کی افندی به

قرق کلیسا سنجانی بدایت محکمه سی اعضا سندن

نسیم افندی به

قرق کلیسا سنجانی بدایت محکمه سی اعضا لغی

مدیه قضاسی بدایت محکمه سی اعضا سندن یورغا کی افندی به

ولایت مذکوره » » فتحی بکه

» » استیناف حقوق محکمه سی باش کاتبی

عزیز افندی به

ریزه قضاسی بدایت محکمه سی اعضا سندن اسماعیل

حق افندی به

کولمجنه سنجانی بدایت محکمه سی باش کاتبی

حسنی افندی به

لوله برغوس قضاسی بدایت محکمه سی اعضا سندن

قره بت افندی به

چورلی قضاسی بدایت محکمه سی اعضا سندن عاقل

پانطو افندی به

اسویچره حقوق دارالفنونندن مأذون دیمتری

آلکشیف افندی به

ویزه قضاسی بدایت محکمه سی اعضا سندن

دیمتر کی افندی به

تفویض بیورلمش ومومی الیهمدن مخالف اولیانلرک علی الاصول اجرای تخلیف لری در دست بولمشد .

ادر نه ولایتی استیناف » »

» » بدایت » »

کلیولی سنجانی » »

کولمجنه » »

» » » »

دهده اغاج » »

تکفور طانی سنجانی » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

» » » »

تبلغات عمریه

۶ ذی الحجه ۳۲۷ و ۶ کانون اول ۳۲۵ تاریخلی عدلیه نظارتندن استیناف مدعی عمومی سکرینه

یازیلان تحریرات عمومی صور تیدر :

مأمورین مدیکه نك وظیفه اصلیه لری و دوائر مختلفه مأمورینه عائد حق نظارت لری ایضا خصوصنده کی اقدام وغیرت لری جفته بر فکر صحیح وسالم پیدا ایدلک اوزره جرائم وجنایات واقعه حقه زانده قوماندرلر نك مدیر قائم مقام متصرف و والیره ومدعی عمومی معاون لریه و یردک لری ژورنال لره قید دفتر لری نك دخی تدقیق وجوب قطعی تحتده اوله رق ملکیه مفتش لری نك جمله وظائف اصلیه لرندن بولند یغندن برکونه سوء تفهمه ولزومسز مخبره ایله اضاعه اوقاته محل قلامق اوزره مومی الیهم مفتش لری طرفندن کوستریلان لزوم اوزرینه دوائر لازمه به تبلیغ کیفیت ایدلکی بیانیله نظارت جده ایجاب ایدلره تبلیغات ایفاسی داخلیه نظارت جلیله سندن بیلدیرلمش اولغله مفتش لری جه طلب وقوعنده مذکور دفتر لریک برای تدقیق ارانه سی توصیه اولنور .

دیگری

کرك در سعارت و كرك ولایاتده صنایع داخلیدن اولمق اوزره ال ویاعادی دستکاهلر ایله نسج و اعمال ایدیله جك حالی ، چوراب وامثالی اشیا ایچون مسابقه اجراسیله عامل و عامله لری تشویفاً مكافاتلر اعطاسی تسبب اوله رق بوبابده تنظیم اولمان تعلیمات نامه به عامل و عامله لری طرفلرندن اعطا اوله جق اشیا نمونه لری نك مائللریله بالمقایسه درجه صنعت ونفاست لری تقدیر و تمیز و مكافاتلری تعیین اولمق اوزره محللری زراعت وتجارت وصنایع او طه لرنجه صنایع اربابندن و متخصیصندن برر هیئت میزه تشکیلی و بو هیئتکده محلی تجارت محکمه سی رئیس نك ریاستی تحتده تشکیلی درج ایدلش اولدیغندن ایجاب حالك ایفاسی تجارت و نافع نظارت جلیله سندن باتدکوره ازبار اولمقده در . صنایع داخلیه نك رواج و ترقیسه هر طرفه غیرت، مقتضای حیت اولدیغندن وظیفه اصلیه قانونیه لریه خلل کله مک شریطیه تجارت محکمه سی اولان یرلرده تجارت رئیس لری نك و تجارت محکمه سی بولمیان محللر دهده بدایت رؤسانک مذکور هیئت لره ریاست ایتلری ایچون تبلیغات مقتضیه ایفاسی توصیه اولنور

دیگری

اوچپوز یکر می بش سنه سی عدلیه موازنه سنده جرم مشهود مصارفی ایچون معین ترتیدن مناسب مقداری طشره لره حواله ایدلکی کی ترتیب واقعی صرف و اکمال ایدن محللر ده مراجعات واقعه اوزرینه

مبالغ مقتضيه نك ضميمه صرفه مأذونيت ويرملكه ايسده شمدى به قدر بوضورتله صرفه مأذونيت ويريلان مبالغك يكونى هان ترتيب مخصوصه مساوى بر درجه به تقرب ايمش اولدينى حالده ضميمه تخصيصات اعطاسى حقنده كى مطالب واشعارات توالى ايتكده در. بودجه قانونى، هر قسم مصرف ايچون معين ومخصوص اولان مقدار دن فضله صرفياتى قطعياً منع ايمش اولدينى جهته ترتيب خارجنده صرفياته امكان اوليوب بوسنه لك بودجه به داخل اولان مقدار تخصيصاتله اداره مصلحت ضرورى اولسنه وسنه نهايته دها اوچ آى بولنسنه نظراً جرم مشهود مصارفك تصرف ونسبت دائره سنده تعيين واعطاسى صورتيله اداره مصلحت اولنسى مقتضيدر. اشبو ترتيب محل جرمه كيده جك شهود وسائريه مصرف مقابلي ويريله جك برپاره اولدينى حالده صرفنده برنسبت كوزهدليهر ك هرايسته نيلا ن طرفه مبتدانه بر صورتده تادياتده بولنمقدمه اولدينى استطلاعات واقعده ن اولوب بو حالك دواى ايسه ترتيبك عدم كفايتى حسييله تادياتك بالكيه انقطاعنى انتاج ايمسى بديهي اولديغندن بوجهتله نظر دفته النهرق ممكن مرتبه تصرفه رعايت ايدلسى لزومك ايجاب ايدنلره تبليغى محاسبه افاده سيله توصيه اولنور.

۹ ذى الحجه سنه ۱۳۲۷ و ۹ كانون اول ۱۳۲۵ تاريخلى تحريرات عموميه صورتيدر:

مأمورين ملكيه ترقى و تقاعد نظامنامه سنك اون آلتيجى ماده سنك بر فقره سنده محرر اسبابدن طولاني بر مأمورك عزلنه دائره متعلقه سنك صلاحيتى تسليم اولمقله برابر ايشدن ل چكديريلوب مظلوناً محكمه به توديع اولنان مأمورينك قبل الحكم عزللى جائز اوله ميه جغندن بوقيل مأمورينك عزل ونصبه به نتيجه محاكمه به انتظار ايدلسى مصرح بولنسنه وسوء حال واستعماللى ثابت اولان مأمورينك حقلنده ويريله جك حكمه انتظاراً عزل ايديله ميه رك وظيفه لر ينك وكالة ايفا ايتديرلسى مخذوردن سالم كوريله مامكده اولسنه بناءً كرك اسباب مخففه و كرك اسباب مشدده طولايي سيله عزل لازم كلن مأمورينك اله ايديله جك دلائل ثبوتيه به استناداً اول امرده عزل ايدلسى وبعده حقلنده تعقيبات قانونيه اجراسى ايجاب ايدنلر ايچون محاكم متعلقه سنه مراجعت اولنسى واسباب ضروريه عزلك دوائر مذكوره نك تقديرينه بر اقل مى حقنده برقرار اتخاذاى لزومى متضمن مالىه نظارت عليه سنك شوراي دولته محول تذكره سى اوزرينه شوراي مذكور تنظيمات دائره سندن اعطا و مجلس مخصوص وكلا ده قرائت اولنان مضبوطه مأمورينك دولته كوريله جك برسبب ضرورى به بناءً عزل اولنه بيلمسى وسبب ضرورينك تعيينى ماده سنك مجلس وكلايه عايدتى مأمورين ملكيه ترقى و تقاعد قرار نامه سنده محرر اولسنه نظراً سبب ضرورينك تعيينى دوائر متعلقه سنه بر اقق جائز اوله ميه جنى كى تحت محاكمه به آلمسنه لزوم كوريلن مأمورينى قبل المحاكمه عزل ايله يرلينه ديكرلر نى تعيين ايتك عند المحاكمه برائتى تبين ايدنلر حقلنده مغدوريتى مستلزم اوله جنى نظر عدالتله آلهرق ماده عزلده قانوناً موجب عزل و افعال و حركاتك تحقق ايمسنه حصر ايدلش اولديغندن او قيل مأمورين حقنده كى

تعقيبات قانونيه نك تسريعه نتيجه محاكمه به كوره معامله اولمقل لازم كله جكى درميان قلنمش و سالف الذكر قرار نامه اساساً مجلس عموميدن كچماش اولدينى كى اخيراً بالنظيم مجلس مذكور ك تصديقه و اراده سنيه به اقتران ايدن تقاعد قانونى ايسه مأمورين ملكيه نك صورت عزل ونصبه دائر احكامى غير محتوى بولنمش اولوب قانون اساسينك اوتوز طبقوزنجى ماده سنده باجمه مأمورينك نظاماً تعيين اولنه جق شرائط اوزره اهل ومستحق اولدقلى مأموريتلره انتخاب اولنه جقلى و بو وجهه انتخاب اولنان مأمورلر ك قانوناً موجب عزل حركتلى تحقق ايتدجكه ويا كندولرى استعفا ايتدجكه يا خود دولته برسبب ضرورى كورلمدجكه عزل و يا تبديل اولنه ميه جقلى محرر بولنسنه نظراً قانون اساسينك بو ماده سى احكامنه توفيق معامله اولنسى طبيعى و بونده بحث اولنان اسباب ضروريه عزلك تعيينى مضبوطه مذكوره ده كوسترليكي وجهه مجلس وكلايه عايد اولمايوب اصول مشروطيت ايجابجه مأمورلر ك منسوب اولدقلى دائره لرك ناظرلرينه راجع ومع هذا نظارتلر ك تقديرى اوزرينه انفصال ايدجكلرك على الاصول مراجعتله طلب حق ومعدله صلاحيتلى باقى بولنديغندن بو وجه ايله معامله اولنسى باتدكره ساميه تبليغ بيورلمقله بيان حاله ابتدار قلندى.

عدليه نظارتندن دوائر مركزيه رؤساييله طشره استيناف مدعى عمومىلكلرينه تسطير اولنان ۹ ذى الحجه سنه ۱۳۲۷ و ۹ كانون اول سنه ۱۳۲۵ تاريخلى تحريرات عموميه صورتيدر

نظارت تنسيق قوميسيونك تنسييله قادرو داخلنده كى مأموريتلره تعيين قلنمش اولان مأمورين وكتبه دن بعضيلرى، صفلرينك تزييلندن طولاي آتياً صفلرينه معادل بر مأموريته تعيين قلنمق اوزره قادرو خارجنه چيقاريله رق كندولرينه معزوليت معاشى تخصيصى استدعاسنده بولندقلرندن وتنسيق قوميسيونلرى اكمل وظيفه ايتدكصكره وقوع بوله جق بومثلو مراجعات ومستدعيات حقنده ياپيله جق معامله به دائر قانون مخصوصنده صراحت اولمايغندن بجهله بو باده دستور حركت اتخاذا ايدمك اوزره برقرار اتخاذاى لزومى متضمن تجارت و نافع نظارت عليه سندن بالورود شوراي دولته حواله اولنان تذكره اوزرينه تنظيمات دائره سندن اعطا اولنان مضبوطه مأمورين وكتبه نك احوال سابقه ولاحقه لر نى ودرجه اقتدارلر نى تدقيق ايدمرك قادرو داخلنده كى مأموريتلره يرلشديرمك تنسيق قوميسيونلرينك وظائفى جمله سندن اولوب بوصورتله تفريق ايديله رك مأموريتلره تعيين اولنان مأمورين ايله كته نك قوميسيونلرك مناسب كوردكلى درجه داخلنده عداولملى لازم كله جكى جهته درجات مذكوره نى قبول ايتك ايسه ميانلرك تنسيقندن اولكى صفلرينه معادل بر مأموريته تعيينلرينه انتظاراً قادرو خارجنده قالمغه حقلرى اوله جغندن بوه قصدله قادرو خارجنه چيقمى آرزو ايدن مأمورين ايله كته به مستغنى نظريه باقلمسى لازم كله جك نظارت مشار اليها وعمياً دوائر مركزيه به تبليغى تذكر اولندينى انبا و اولوجه ايجابى اجرا قلندينى باتدكره ساميه اشعار بيورلمغه تبليغ كيفيت اولنور

محکمہ تمیز جزائی

محکمہ تمیز جزا دائرہ سندن صادر اولان ۱۸ ذی القعدہ سنہ ۳۲۷ و ۱۸ تشرین ثانی سنہ ۳۲۵
تاریخی و ۴۹۴ نومرولی اعلامک صورتیدر:

حیلہ لی مفلس اولدیغی ادعا اولمسندنطولای جنایتله اتهام ایدلمش اولان الماولونک جامع جدید محله سندن
حطیب اوغلی حاجی سلیمان افندی بن عبدالرحمن افندینک اجرا قلنان محاکمہ سی نتیجہ سندن قانون جزانک
ایکیوز اوتوز برنجی ماده سی حکمنه توفیقاً تعیین اولنان اوچ سنه کورک جزاسنک ۱۰ تموز سنه ۳۲۴ تاریخندن
اول عائد جرائم حقنہ کی قانون خصوصی موجبہ نصفی تزیل اولنہرق برحق سنه مدتلہ حبسنه دائر
انطالیه سنجانی بدایت محکمہ سی جزا دائرہ سندن ویریلان ۲۲ اغستوس سنه ۲۲۵ تاریخلی و یوز اون
نومرولی اعلام ایله اوراق متفرعہ سی محکمہ تمیز باش مدعی عمومیلکی مأموریت علیہ سندن ۲۵ تشرین اول
سنه ۳۲۵ تاریخلی و درت بیک یتش بر نومرولی تبایغنامہ ایله محکمہ تمیز جزا دائرہ سنه کوندلمکله کافہ
اوراق دعوی مطالعہ اولندی .

محکوم مرقومک اوراق میانده اولان لایحہ تمیزیہ سنده علیہ اسناد اولنان افلاس مسئلہ سی ثابت
اولدیغی جہتلہ حیلہ نک وجودنی تحریریہ و حقوق عمومیه جہتنی تعقیبہ محل اولدیغندن و محلی مدعی
عمومی معاونلکنک لایحہ تمیزیہ سنده افلاس دعراسنک اوچ یوز اون ایکی تاریخندہ اقامہ اولنسنہ نظراً
مرور زمان بولندیغنه دائر اولان مدافعہ حقنہ برقرار ویرلماسی و متهمک حیلہ لی مفلس اولدیغی حقنہ
برامارہ موجود اولدیغنی ادعا ایدلکی حالده بوجہتلر نظر دقتہ آلمایہرق محکومیتہ قرار ویرلمسی مخالف
قانون اولدیغی بیانیہ اعلام مذکورک نقضی استدعا اولمشدر .

تبلیغنامہ دخی متهم مومی الیہ تعیین قلنان وکیل مدافع پاندہ لی افندینک صفقی ایله ایفای وکالت امرندہ کی
درجہ مآذونیتی کوسترلامش و متهم سلیمان افندی طرفندن اخیراً ماصیہ ابراز وارانہ اولنان دفاترک اصحاب
مطلوبک اوراق و دفاترلہ تطبیق و مقابله اولنہرق بنلرنده تضاد و مباہلت اولوب اولدیغی ، وار ایسہ اسباب
موجبہ سنک نهدن عبارت بولندیغنی بولندہ تحقیقات اجرامی استحصال دلائل امرندہ ماہیت ادعائک ایجاب
ایتدیردکی معاملاتدن ایکن محکمہ جہ جہتلہ جہت مبحوثہ حقنہ اجرای تعمیقاً تندن ذہول ایدلمش و حساب دفاترلینک
بر آراق الماولو بدایت محکمہ سندن متهم طرفندن بلاسترداد کتم ایدلکی مجرمیت قرارندہ محکی ایکن دفاتر
مذکورہ نک نہ صورتلہ متهمک ید کتمنہ کچمش اولدیغی حقنہ دخی برکونہ تحقیقات اجرا قلنامش و جہتلہ
حقوقیہ جہ حاصل اولان قضیہ محکمہ نک محاکم جزائیہ ہیئاتنک تقدیرات وجدانیہ سنی تقید امرندہ حکم
و تأثیردن عاری اولمقندن ناشی ثبوتی تقدیرندہ دیونات مدعا بہانک تسویہ سنہ کافی اقتدار مالیسی اولدیغنی

متهمک مبادی محاکمہ دن بری تکرار علی التکرار درمیان ایلمسی و قانون تجارتک یوز اللنجی مادہ سنک فقرہ
اخیرہ سی حکمنہ نظراً خصوص مبحوثک تحقیقی حالندہ اعلان افلاسنی متضمن اعلامک بی حکم قالہ جنی
درکار بولنسی و برمنوال محرر اثبات اقتدار اولنسی صورتیلہ حال افلاسندن تبری ایلان بر شخصک مفلس
حیلہ کار عد ایدلمسی غیر متصور بولنسی طولایسییہ بشقہ جہ تعمیق مقتضی اولان جہتلہ مذکورہ حقنہ
برکونا تحقیقات قانونیہ اجرا قلنامقلہ برابر بویولندہ کی مدافعات قانونیہ نک اسباب موجبہ ردیہ سی دخی مجرمیت
قرارنامہ سندنہ تصریح قلنامش و متهم طرفندن کتم اولدیغنی درمیان اولنان دفاترک نیت مجرمانیہ بناءً اخفا
اولندیغنک تبیی و کیفیت ضیاعندن کیملرک ونہ مقدار ضایعاتہ دوچار اولدقلرینک تعیینی امرندہ دخی تحقیقات
اجرا ایدلامش و بوبابده اجرای تعقیباتہ مانع مرور زمان قانونی حاصل اولدیغنی متهم مومی الیہ طرفندن
شفاهاً و استدعاءً دفعتلہ بیان و انبا اولنسی اوزرینہ قبولاً و یارداً برقرار مخصوص اتخادی درجہ وجودہ
ایکن حق مدافعہ یہ متفرع شو جہتلہ مهمہ دخی قرار ملندہ کلیاً مسکوک عنہ بر اقلمش و بونجہ نواقض
قانون شکنانہ ایله استنتاج اولنان اشبو محاکمہ جرم مسند بہک اوچ یوز طقوز سنه سندنہ وقوع یافتہ اولدیغنی
تحدید مجازات قرارنامہ سندنہ تصدیق و تصریح اولمسنندن ناشی اصول محاکم جزائیہ قانوننک درتیوز
سکسان برنجی ماده سی حکمنہ جہ حقوق عمومیه دعواسنک سقوطنہ قرار ویرلمسی و جائب آوردن ایکن
صلاحیت تعقیبہ نک سقوطنہ رغماً متهم مومی الیہک بداهت قانونیہ قارشو برمنوال محرر تجریم و محکوم
ایدلمسی و جوهلہ مغایر عدل و قانون و لایحہ تمیزیہ مندرجاتی دہ بواعبارلہ وارد بولمش اولدیغنی بیانیہ حکم
جنائی مذکورک نقضی طلب ایدلمشدر .

تدقیقات تمیزیہ لی الاجرا ؛ تبلیغنامہ نک وکیل مدافع پاندہ لی افندینک صفقی ایله درجہ مآذونیتی کوسترلامش
اولدیغنه دائر اولان اعتراضدن ماعدا حاوی اولدیغنی اعتراضات مندرجات اعلامہ نظراً بجا اولدیغنی کی کتم
دفاترک تجارت قانوننک ایکیوز طقسان ایکنجی ماده سنہ توفیقاً جرم تشکیل ایدوب ایتدیکنک تدقیق ایدلامش
اولسی دہ موجب نقض اسبابدن بولمش اولقلہ اصول محاکم جزائیہ قانوننک اوچ یوز اون دردنجی ماده سی
احکامنہ توفیقاً اعلام مذکورک تفصیلہ اوراقنک ملنہ اعادہ سنہ و ایکیوز غروش اعلام خرجنک تحصیلنہ
۳ تشرین ثانی ۳۲۵ تاریخندہ قرار ویرلای .

« هیئت محکمہ اسامیسنک ضبطنامہ یہ یازلامسی و ضبطنامہ زیرینک بعض اعضا طرفندن امضا ایدلامسی
و مدعی عمومی طرفندن تهمت واقعہ یی تأیید ایدہ جک نہ کی دلائل سرد اولدیغنک و بوکا قارشو متهم وکیلینک
مدافعة نہ سولیدیکنک اعلامدہ توضیح اولننامسی نقضی مستلزمدر . »

محکمہ تمیز جزا دائرہ سندن صادر اولان ۲۵ ذی القعدہ سنہ ۳۲۷ و ۲۶ تشرین ثانی سنہ ۳۲۵ تاریخلی
و ۵۲۶۴ نومرولی اعلامک صورتیدر :

دیرالشیخ قریہ سندن اونبر یاشندہ داود بن عبدالرحمانی اخناقاً قتل ایتدکلری ادعاسیلہ جنایتلہ اتهام

اولنان معلوم الاسامی اشخاصک اجرا قلنان محاکمہ لری نتیجہ سنده جابر بن عیسی احمدک قانون جزانک یوز یتمش دردنجی مادہ سنے توفیقاً اون بش سنہ مدتلہ کورکہ قونلسنہ ودیکر لرینک برائتنہ دائر قدس شریف سنجای بدایت محکمہ سی جزا دائرہ سندن صادر اولان ۲۲ کانون ثانی سنہ ۳۲۴ تاریخلی و ۳۶۰ نومرولی اعلام ایله متفرعاتی باش مدعی عمومیک مأموریت علیہ سندن ۲۵ تشرین اول سنہ ۳۲۵ تاریخلی و درت بیک یوز درت نومرولی تبلیغنامہ ایله محکمہ تمیز جزا دائرہ سنے ارسال اولمقلہ اوراق مذکورہ مطالعہ و قرائت اولندی. تبلیغنامہ ده؛ هیئت محکمہ یی تشکیل ایدن رئیس واعضا اسمایسنک ضبطنامہ بالاسنہ یازلمسی لازم کلیرکلن اجرا ایدیلان محاکماتک هیچ برنده ضبطنامہ بالاسنہ بو وجهله اسملری یازلمدیگی کی اعضادن بعضلری طرفدن ضبطک زیری امضا ایله تحت تأمینہ آلمدیگی ا کلاشلمش و اصول محاکمات جزائیہ قانوننک ایکوز سکسان طقوزنجی مادہ سی موجبہ مدعی عمومی معاوننک تهمت واقعہ یی تأیید ایدہ جک دلائل و بوکا قارشو متهم و وکیلنک نه سویلکری تعداد و توضیح ایدلماش اولدیغندن بحثله اعلامک نقضی طلب اولمشدر. جهت جنائیہ جه تدقیقات تمیزیه اجرا اولندقدہ؛ تبلیغنامہ ده سرد ایدیلان اعتراضات مندرجات اعلامہ نظراً وارد و مستلزم نقض اسباب قانونیہ مستند اولدیغندن اصول محاکمات جزائیہ قانوننک اوچوز اون دردنجی مادہ سنے توفیقاً حکم جنائینک نقضیلہ اوراقنک محله اعادہ سنے و ایکوز غروش اعلام خرجنک تحصیلنہ ۳۱ تشرین اول سنہ ۳۲۵ تاریخندہ قرار ویرلدی.

«متمہ تعیین قلنان مدافعہ وکیلنک صفی و وکالتہ اولان صلاحیت و مأذونیتی درجه سنک ایضاح اولنامسی شہودک ذات و شہادت حقدہ متمک دیه جکی صورلماسی و مدعی شخصی یه تبلیغات اجرا قلوب قلنادینی تدقیق اولمقسزین غیابندہ اجرای محاکمہ یه قرار ویرلمسی و جرمک تطبیق اولنان مادہ قانونیہ یه نوافق ایدوب ایتمکدیکنک تعینی ایچون تعمیق تدقیقاتدن ذہول اولنسی نقضی مستلزمدر»

محکمہ تمیز جزا دائرہ سندن صادر اولان ۲۵ ذی القعدہ سنہ ۳۲۷ و ۲۵ تشرین ثانی سنہ ۳۲۵ تاریخلی و ۴۲۶۷ نومرولی اعلامک صورتیدر:

بلبل درہ جادہ سنده حسنی جرح و اقچہ سنی سرقتہ تصدی و ایفای وظیفہ حالندہ قرہ قول ہیئتہ تشہیر سلاح و حقارت ایلدیکی ادعاسیلہ جنایتلہ اتہام اولنان استانہ لی جورچی ولد جورجنک اجرا قلنان محاکمہ سی نتیجہ سنده قانون جزانک ایکوز اون سکزننجی مادہ سنک فقرہ اخیرہ سنے توفیقاً اون بش سنہ مدتلہ کورکہ قونلسنہ دائر درسعادت جنایت محکمہ سندن صادر اولان ۱۲ اغستوس سنہ ۳۲۵ تاریخلی و طقسان ایکی نومرولی اعلام و متمم مرقوم طرفدن معطی لایحہ تمیزیه و اوراق متفرعہ دعوی باش مدعی عمومیک مأموریت علیہ سندن ۳۱ تشرین اول سنہ ۳۲۵ تاریخلی و درت بیک اوچوز یکرمی اوچ نومرولی تبلیغنامہ ایله محکمہ تمیز جزا دائرہ سنے ارسال اولمقلہ مطالعہ و قرائت اولندی.

لایحہ تمیزیه شہود مستمعہ دن مصطفی و شکرینک افادہ لری یکدیگریہ مابین بولنمش و قراکلق بر کیجہ ده اوچ کشی آرہ سنده کندیسنی نصل تشخیص و محل وقوعہ دہ قزار اولوب اولمدینی و حسنک ساعتہ ال آتدینی و اوزریدہ ظہور ایتدیکی ادعا ایدیلان صالیرمہ نک وقوعہ دہ کوردکلری صالیرمہ اولدیغنی نصل تعیین ایدہ بیلککری صورلماش و وقوعہ نک مدعی طرفدن ساعت بشدہ شاهدلر طرفندنہ ایکدہ و تقریردہ ایسہ ساعت آلتیدہ وقوعی بیان ایدلیدیکی حالہ اسباب مبانیت نظر اعتبارہ آلماش و سرقتہ تصدی اثناسندہ حیولت ایدن اسباب مانعہ نک نهدن عبارت اولدینی تصریح اولنماش اولدیغندن و با استدعا جلیلرینی طلب ایتدیکی مدافعہ شہودینک جلب و دعوت ایدلیدیکندن و سائر نقصانی تدقیقاتدن و تبلیغنامہ ده دخی ابتدای استجوابدہ یاتقویا افندی وکیل مدافع تعیین اولنمشیکن اثنا ی محاکمہ صنفی و وکالتہ اولان صلاحیت و مأذونیتی درجه سی ایضاح ایدلمکسزین محمود ندیم بکک وکیل صفیلہ بولندیرلمش اولمسی و شہودک اصول محاکمات جزائیہ قانوننک ایکوز التمش سکزننجی مادہ سی تعریفاتی دائرہ سنده تحلیفلری اجرا ایدلیدیکنک ضبطنامہ و اعلامدہ کوستر. لنامسی و عثمان پاشا نامیلہ قرہ غول اولدیغندن بالبحث جلب مذکورہ لری مرکز قوماندانلغندن اعادہ اولنسی اوزرینہ ادعا شہودندن عسکر عارف و محمدک افادہ مضبوطہ لرینک قرائتیلہ اکتفا اولنمش ایسده استنطاق دائرہ سندن ناملرینہ کوندیرلوب نسخه ثانیہ لری اوراق میانندہ موجود اولان جلب مذکورہ لرنده کنبہ عسکرہ لری محرر اولمسیلہ ایضاحات لازمه ویرلمک صورتیلہ بالجبل متهم مواجہہ سنده استشہادلری لازمه دن ایکن بولنلری غیر قابل اولدیغندن بحثله جلیلرندن صرف نظر اولنسی و شہودک ذات و شہادت لرینہ قارشو نہ دیه جکی متهمدن اصولاً صورولمہ رقی اصول محاکمات جزائیہ قانوننک ایکوز تیشنجی مادہ سی حکمنہ رعایت و متمم حق مدافعہ سی بو نقطہ دن تأمین ایدلماش و تبلیغات اجرا ایدیلوب ایدلیدیکی تدقیق ایدلمکسزین غیابندہ اجرای محاکمہ سی قرارگیر اولان مدعی شخصی حسین استنطاقنامہ نک دردنجی صحیفہ سنده مضبوط ایکنجی افادہ سنده متمم تعرضی سرقت قصدیلہ اولدیغنی مقام احتمالہ سویلسنہ و برنجی افادہ سنده بچاق براز الی چیزمش اولدیغنی ادعا و بیان ایتمسنہ نظراً مرقومک بالجبل کندوسندن و شہوددن نہ کی اسباب مانعہ حیولتی و دورینک ورودیلہ مادہ سرقتک فعلہ کتریلہ مدیکندن و الحاصل جرمک تطبیق ایدیلان مادہ قانونیہ یه توافق ایدوب ایتمکدیکنک تعینی ضمنتہ تدقیقاتک تعمیق جہتندہ ذہول اولنسی مخالف قانون اولدیغندن بحثله اعلام مذکورک نقضی استدعا و طلب قلنمشدر.

تدقیقات تمیزیه اجرا اولندقدہ؛ ضبطنامہ ده شہودک تحلیفلرینک اصولاً اجرا ایدلیدیکی کوسترلمش اولوب، بواسولاً تعبیری تعریف قانونی و جہلہ اجرای تحلیف اولدیغنی متضمن اولمسیلہ تبلیغنامہ نک بوقسم اعتراضی غیر وارد ایسده دیکر اعتراضات مندرجات اعلامہ نظراً وارد و نقضی مستلزم اسباب قانونیہ یه مستند بولنمش اولدیغندن اصول محاکمات جزائیہ قانوننک اوچوز اون دردنجی مادہ سنے توفیقاً اعلام مذکورک نقضیلہ اوراقنک محکمہ سنے اعادہ سنے و ایکوز غروش اعلام خرجنک تحصیلنہ ۷ تشرین ثانی سنہ ۳۲۵ تاریخندہ قرار ویرلدی.

« جنبه حکم غیابی نه اعتراض مدتدن ایام تعطیلیه نک تنزیل ایدلیکنک و تبلیغ تاریخیه اعتراض استدعانه سنک محکمه قلمنه قیدی تاریخنک درج اولمامسی نقضی مستلزمدر . »

محکمه تمیزاستدعا دائره سندن صادر اولان ۲۶ ذی القعدة سنه ۳۲۷ و ۲۶ تشرین ثانی سنه ۳۲۵ تاریخلی و ۲۱۸۷ نومرولی اعلامک صورتیدر :

دوزجه قضاسی بدایت محکمه سی جزا دائره سندن تنظیم واعطا قلنان ۲۸ نیسان سنه ۳۲۵ تاریخ و آلتش ایکی نومرولی اعلامک تمیزاً تدقیق طلبی حاوی قضاء مذکور رژی ادارسی جانبندن معطی استدعانه و اوراق متفرعسی باش مدعی عمومیلک مأموریت بهیه سنک ۱۲ اغستوس سنه ۳۲۵ تاریخلی تبلیغنامه سیله محکمه تمیزاستدعا دائره سنه تودیع اولمش ولدی التدقیق مذکور استدعانه نک مدت معینه قانونیه سی طرفنده ویرلدیکی آکلاشلمش اولمغه تدقیقات تمیزیه اجرا سنه ابتدار قلندی .

اعلام مذکورک خلاصه مالی: چاق توتون ماده سندن طولایی مظنون علیه اولان آازه حقیقک محکوم اولدینی درت بیک یوزیکرمی یدی بچق غروش جزای نقدی بی تسویه ایتمه سندن ناشی جزای نقدی مذکورک حبسه تحویلی حقنده اداره مذکوره جانبندن اقامه اولنان دعوی اوزرینه رژی نظامنامه سنک یوزاللی دردنچی ماده سی موجبجه مرقوم حقیقک آلتش بر کون حبسنه دائر صادر اولان اعلام غیابی علپهنده اعطا ایدلیکی اعتراض علی الحکم عرضالک اعلام مذکورک تبلیغی تاریخیه عرضحال مزبورک قیدی تاریخنه نظراً مدت اعتراضک مرورندن صکره اعطا قلندیغی آکلاشلمقده ایسه ده اسباب مشروعه دن اولدینی وجهله عید انخی مناسبتیه دوائر رسمیه نک تعطیل مدتی داخل حساب ایدلیکی صورتده عرضحال مزبورک مدت قانونیه سی طرفنده اعطا ایدلیکی مستبان اولسنه بناء قبولی قرارگیر اولدقندن صکره سبق ایدن محاکمه و جاهیه ده مقرض مرقوم کندوسنک آازه حق نامیه معروف اولوب ضبط ورقلرنده و اعلاماته مذکور اولان حق کندوسی اولمادیغی مصرأ ومدافعه درمیان ایتسنه قارشو مقرض مرقومک محکوم حق اولدینی رژی اداره سنک شهود شخصیه ايله اثبات ایتسی لزومه قرار ویرلمش اولدینی حالده رژی وکیلی ضابطه دن تحقیق ماده ایدلسی لزومنی سرد ايله تعلل ایتسنه و مقرض مرقوم حقیقک ضبط ورقله سندن کی آازه حق اولدیغنه دائر ادله کافیه موجود اولمامسنه مبنی مرقومک برائته قرار ویرلدیکی متضمندر .

لایحه تمیزیه ده حکم غیابی مذکور علپهنده محکوم مرقوم جانبندن اعطا قلنان اعتراض علی الحکم عرضالک اصول محاکمات جزائیه قانوننک یوزیتش برنجی ماده سنده معین اولان اعتراض مدتک مرورندن صکره اعطا قلنش اولدینی کی حبس حکمی متضمن اعلام معترض فیه اخیره خصراً اتخاذقرار اولمق لازم کلورکن نتیجه محاکمه جزای نقدی اخذنی حاوی کسب قطعیت ایدن اعلام حکمنه تجاوز و تعرض اوله رق مرقومک برائته قرار ویرلسی مغایر قانون ایدوکنندن بحثله اعلام مذکورک نقضی استدعا ایدلیکی

کی تبلیغنامه ده دخی اعتراضات مذکورنک بجا کورلمش اولدینی بیانیله اعلام مذکورک نقضی لزومی طلب وانباقلمشدر .

ایجابی لدی المذا کره؛ محکوم به توتون جزای نقدیسی تسویه دن امتناعنه مبنی حبسی طلب ایدیلان مظنون حقیقک بو وجهله محکومیتی متضمن عیاباً ویریلان اعلام علپهنده اعطا ایدلیکی اعتراض استدعانه سنک مدتی ظرفنده ویریلوب ویرلدیکنک تعینی امرنده نظر دقته الهجق جهت ، اصول محاکمات جزائیه قانوننک یوزیتش برنجی ماده سنده کوسترلدیکی اوزره حکم غیابینک محکوم علیه نک ذاتنه ویا اقامتگاهنه تبلیغی تاریخندن اعتباراً هر میریامترو ایچون بر کون علاوه اولمق اوزره بش کون ظرفنده ویرلمش وایجاب ایدلره صورتلری تبلیغ ایدلمش ایسه قبولی وعکس تقدیرده ردی خصوص سندن عبارت بولنش و ذکر اولنان یوزیتش برنجی ماده منطوقجه حکم غیابینک تاریخ تبلیغی ايله اعتراض استدعانه سنک محلی محکمه سنه قیدی تاریخی مبدأ ومنتها اعتبار ایدلمش اولسنه نظراً بویکی تاریخ آره سنده کی مدته بعدمسافه نقطه سندن بوجه محرر هر میریامترو ایچون بر کون علاوه اولمق صورتیه اعتراض استدعانه سنک تدقیق مدتی ماده مذکورنک اطلاق عبارسی ایجابندن وایام تعطیلیه نک داخل حساب ایدلمسی لزومنی مبین اصول مذکورک مواد سائر سنده بر فقره صریحه نک عدم موجودیتی دخی ایام مذکورنک شو حساب خارجنده براقلمسنک مساع قانونیه یه مقارن اولمادیغی کوسترلراحوالندن بولنش ایکن درجه اولی محکمه سنجه مدت قانونیه سنک مرورندن بحث وحکایه اولنان سالف الذکر اعتراض عرضالک عید انخیایه تصادف ایدن ایامک تنزیلی صورتیه مدتی ظرفنده ویرلدیکی بالبان قبولی جهت کیدلسی وعلی الخصوص اعتراض مدتک مبدأ ومنتها سی اولان تبلیغ تاریخیه استدعانه نک محکمه قلمنه قیدی تاریخنک اعلامه درج ایدلمسی ، یولسر و مستلزم نقض احوالندن اولوب لایحه تمیزیه محتویاتی بو وجهله وارد و بجا کورونمش ایدوکنندن ذکر اولنان اصول محاکمات جزائیه قانوننک اوچویز اون دردنچی و اوچویز اون طقوزنجی ماده لری منطوقجه قرار مذکور اعلامنک اسباب محرره دن ناشی نقضیه احکام قانونیه دائره سنده ایفای معامله اولمق اوزره اوراق متعلقه سنک محکمه مذکوریه و تمیز جزای نقدیسی اوله رق تسلیم وزنه فلنش اولان بش لیرانک اصول مذکورک اوچویز قرق اوچنجی ماده سی موجبجه مستدعی تمیز رژی اداره سنه اعاده سنه وایکی یوز غروش اعلام خرجنک تعرفه وتعلیمات مخصوصه سی احکامنجه ایلروده حقسنر چیقه جق طرفدن تحصیلنه ۲۲ تشرین اول سنه ۳۲۵ تاریخنده متفقاً قرار ویرلدی .

« تمغا رسمندن طولای جزای نقدی اعطاسنه محکوم اولان متعدد کساندن یالکز بریسی طرفندن محکمهیه مراجعت اولمسنک اعتراضلری سبق ایتمیان دیکر لینه ده شامل طو تلیسی نقضی مسلز مدر . »

محکمه تمیز استدعا دائرسمندن صادر اولان ۵ ذی الحجه سنه ۳۲۷ و ۵ کانون اول سنه ۳۲۵ تاریخلی و ۶۹ ۲ نومرولی اعلامک صورتیدر :

رسم تمغا جزای تقدیسندن طولای اورفه سنجایی بدایت محکمه سی حقوق دائرسمندن تنظیم واعطا قلموب لواء مذکور دیون عمومیه اداره سی جانبندن مدت قانونیه سی ظرفنده تمیزاً تدقیقی استدعا قلموب ۲ تشرین ثانی سنه ۳۲۴ تاریخ و قرق سکز نومرولی قرارنامه و اوراق متفرعه سی باش مدعی عمومیلک مأموریت بهیه سنک مطالعه نامه سیله برلشدر یله رک محکمه تمیز استدعا دائرسمنده مطالعه و تدقیق اولندی .

مذکور قرارنامه نک خلاصه مفادی : ایکی قطعه کفالت سندینه اورفه مقاولات محررلکندن یازیلان شهودالحال عباره لری وقوع حاله شهادتی متضمن برر تصدیق نامه مایه تهنده اولدیغندن ایکی غروشلق مقطوع پوله تابع بولندیغی حالده پولسز اوله رق تحریر واعطا ایدلمسندن ناشی مهر صاحب لری بولنان اجرا مباشری محمد رشید وقهرمان افندیلردن دردر یوز وسند مذکوری بالقبول تصدیق ایدن مقاولات محرری حاجی مسلم افندیدن دخی سکز یوز غروش جزای تقدینک استیفاسی حقنده محلی دیون عمومیه اداره سی جانبندن معطی مذکره علیهنده مومی الیه محمد رشید افندی طرفندن وقوع بولان اعتراض اوزرینه جریان ایدن تدقیقات نتیجه سنده سالف البیان تصدیق شرحی سند مایه تهنده اولماسنه ورسم تمغا قانونک معافیات فصلنک یکر می یدنجی نومروسنده دخی بو مثللو مشروحاتک تمغا رسمندن استئنا ایدلمش بولمسنه نظراً مومی الیه رشید افندیدن جزای نقدی اخذی ایجاب ایتیه جکندن بختله بوباده کی طلبک ردینه قرار ویرلدیکنی متضمندر .

تمیز استدعا نامه سنده ؛ وقوع حالی مبین بوکی تقریر عباره لری تمغا قانونک برنجی ماده سنک فقره احیره سیله طقوزنجی ماده نک یتش بر نومرولی فقره سی مقتضاسنجه ایکی غروشلق رسم مقطوعه تابع ایکن محکمه مذکوره جه جزای نقدی لازم کیه جکنه دائر اتخاذ اولنان قرار مغایر قانون ایدو کندن بختله قرار مذکورک نقضی طلب واستدعا ایدلمش ، مطالعه نامه ده ایسه اعتراض واقعک بجا کور یله مدیکی بیانیله تمیز استدعا نامه سنک ردی لزومی مرقم بولمشددر .

ایجابی لدی المذاکره ؛ دیون عمومیه اداره سنجه موضوع بحث اولان کفالت سندی زیرنده مرقم وشه دالحال عباره سنی حاوی شرحی تختیم ایتش اولان مباشر قهرمان و محمد رشید افندیلره سند مذکوری تصدیق ایدن مقاولات محرری مسلم افندیدن جزای نقدی طلب اولمسنه قارشو مومی الیه مندن رشید افندی طرفندن واقع اولان اعتراض اوزرینه محکمه جه جریان ایدن تدقیقات نتیجه سنده مذکور شرحک سند زیرنده کی امضا ومهری شهادت و تصدیقندن عبارت ایدوکی ورسم تمغا قانون جدیدینک معافیات فصلنک یکر می یدنجی نومروسنده

بوکی شهادتک پوله تابع اولمدینی محرر بولندیغی بالیان ادعای واقعک ردینه قرار ویرلمش اولوب واقعا شرح مذکور مقاولات محرر لری نظامنامه سنک مواد معلومه سی ایجابجه کفلا تعیین هویتی ضمننده ذات وامضالری حقنده شهادتی محتوی اولمسنه و فصل مذکورک سالف البیان یکر می یدنجی ماده سی منطوقنجه بو قبیل امضا و مهرلر حقنده شهادت و تصدیق حاوی یازیله جق شرحلر دخی تمغا رسمندن استئنا ایدلمش بولمسنه نظراً سند مباحوث عنک حاوی اولدینی شرحک پولسز اولمسندن ناشی جزای نقدی اخذینه محل اولمدینی درکار ایسه ده طلب واقع قارشو مومی الیه مندن یالکز محمد رشید افندی نک محکمهیه مراجعت ایتش اولمسنه کوره بوباده کی ادعانک منحصرأ اکا عائد قسمک ردی اقتضا ایدر ایکن اعتراضلری سبق ایتمیان دیکر لینه ده شامل صورتده قرار اتخاذ قنمسی پولسز و مغایر قانون اوله رق لایحه تمیزیه محتویاتی شو صورتله و اردو بجا کورلمش ایدو کندن ذکر اولنان قرار نامه نک بوسبیدن طولای نقضیه قانون دائرسمنده ایفای معامله اولنق اوزره اوراق متعلقه سنک محکمه محلیه اعاده سنه و ایکی یوز غروش اعلام خرجندن اولجه تسویه ایدیلان یکر می بش غروش ربع خرجک اجرای محسوبیه متباقی یوز یتش بش غروشک ایلروده حقسنر چیقاجق طرفه رجوع ایتک اوزره اول امرده مستدعی دیون عمومیه اداره سمندن اخذینه ۲۳ تشرین ثانی سنه ۳۲۵ تاریخنده متفقاً قرار ویرلدی .

محکمه تمیز استدعا دائرسمندن صادر اولان ۵ ذی الحجه سنه ۳۲۷ و ۵ کانون اول سنه ۳۲۵ تاریخلی و ۲۲۷۲ نومرولی اعلامک صورتیدر :

قرق کلیسا سنجایی بدایت محکمه سی جزا دائرسمندن تنظیم واعطا ۳۱ تشرین اول سنه ۳۲۵ تاریخنده امر تفهیمی اجرا قلمنان ۷ تشرین ثانی سنه ۳۲۵ تاریخ والقی یوز اون بش نومرولی اعلامک تمیزاً تدقیقی طلبی حاوی محکمه مذکوره مدعی عمومی معاونلکی جانبندن معطی استدعانه و اوراق متفرعه سی باش مدعی عمومیلک مأموریت بهیه سنک ۲۸ تشرین ثانی سنه ۳۲۵ تاریخلی تبایغنه سیله محکمه تمیز استدعا دائرسمنده تودیع ایدلمش ولدی التدقیق مذکور استدعانه نک مدت معینه قانونیه سی ظرفنده اعطا قلندیغی آکلشلمش ایدو کندن بالقبول تدقیقات تمیزیه اجراسنه ابتدار قلندی .

اعلام مذکورک خلاصه مالی : پساپورطسز بلغارستانه عزیمت وعودت ایتدیکی ادعا قلمنان قرق کلیسانک قوری دره قریه سی اهالیسندن یورکی یوان حقنده جریان ایدن محاکمه و تدقیقات نتیجه سنده مظلون یوانک حرکتیه مطابقی درمیان ایدیلان پساپورط نظامنامه سنک اون یدنجی ماده سی اداره تدقیق و تطبیق اوله جق معامله دائر اولوب تبعه عثمانیه دن اولانلرک بوسورتله پساپورطسز ممالک اجنبیه یه کیدوب کلدکلری تقدیرده ساخته تذکره و اسم طاقمادجه مجازات اوله جقلرینه دائر نظامنامه مذکوره صراحت اولمدیغندن بختله مظلون مرقومک عدم مسئولیتیه قرار ویرلدیکنی متضمندر .

لایحه تمیزیه ده ؛ مظلون مرقومک حرکت واقع سی پساپورط نظامنامه سنک اون یدنجی ماده سی مو جنبجه

جزای نقدی بی مستلزم افعالین اولدینی حالده محکمه مذکورده عدم مسئولیت قرار ی ویرلمی مغایر قانون ایدوکندن بختله اعلام مذکورک تقضی طلب ایدلمش اولدینی کی تبلیغنامه ده دخی پساپورت نظامنامه سنک اون یدنجی ماده سنده کوستریلان پساپورت سنز ممالک عثمانیه ده دخول فعلندن عبارت اولوب نظامنامه مذکورک اون سکزنجی واون طقوزنجی ماده لری پساپورطده ساخته کارلق اجرا ویا بویله پساپورطی استعمال ویا بونلره کفالت ایلیانلرک جزای نقدی وحبس ایله مجازاتلری حکمنی متضمن اولدینی حالده مذکور اون یدنجی ماده ده یالکز پساپورط خرجنک ایکی مثلی تأدییه ایده جکی کوسترلمسینه منی اون طقوزنجی ماده نك مدعی عمومیلرک طلبی اوزرینه محاکم محلیه طرفندن تعیین مجازاتی مبین اولان صوگ فقره سی اون سکزنجی واون طقوزنجی ماده لرده تعریف و بیان اولنان افعال ممنوعه دن اولوق ملابس سیله مستلزم اولدقلری مجازاتک موقع اجرایه وضعی حکم وقراره متوقف بولنان افعاله محمول اولوب سالف الذکر اون یدنجی ماده ده تحصیلی کوستریلان یوزغروش ایسه ایکی مثلی پساپورط خرجی اولمسنه و بونک تحصیلی مأمورین عائد سنه عائدوظائفندن بولمسنه نظراً نتیجه حکمده بوجهتک ارانه سیله خارج ازوظیفه قرارینک اعطاسی لازمه دن ایکن مظلونک عدم مسئولیتی جهته کیدلمی یولسنز وقانونه مغایر اولوب لایحه تمیزیه ده کی اعتراضات بواعتبارله واردوبجا ایدوکی بیانیله مذکور اعلامک تقضی لزومی کوسترلمشدر.

ایجابی لدی المذاکره : مندرجات اعلامدن استنباط اولدینی اوزره مظلون یوانک خلاف اصول اوله رق پساپورط استحصال ایتمکسزین ممالک عثمانیه عودت ایتدیکی اصولاً ثابت اولمش ویدنده پساپورط اولمادینی حالده ممالک عثمانیه عودت ایدن بوقیل اشخاصدن پساپورط خرجنک ایکی مثلی الهجغنی تضمن ایدن نظامنامه مخصوصک اون یدنجی ماده سی منطوقجه ایستیلان شوخرجی ایفادن صورت امتناع کوسترنلر ایچون استحصال حکمه احتیاج طبیعی وحرکات مسرودمک افعال ممنوعه دن خرج مذکورک دخی جزاء ایکی قات اوله رق النسی ماده مذکورک جهله مندرجاتندن بولمسنه کوره ایشک محکمه یه سوقی قانوناً مقتضی اولوب احوال مبسوطه ارانیلان خرج مذکوری اعطادن امتناع وقوعنده محاکمک تدقیق کیفیتله وظائف اساسیه سی دائره سنده اتخاذقراره مجبوریتی ارانه ایتمکده بولمش ایکن محکمه محلیه جه ایشک جهت اداره یه عائدیتندن بحث ایدلمش وشواسباب موجبیه نظرآذات دعوانک عدم صلاحیت نقطه سندن ردی بولنده اتخاذقرار اولمق مقتضی اولدینی حالده اسباب مذکور ایله قابل تألیف اولمایه جق صورتده یعنی مظلونک عدم مسئولیتیه قرار ویرلمش اولمی یولسنز ومخالف اصول وقانون اولوب لایحه تمیزیه محتویاتی بووجهله واردوبجا کورلدیکندن اصول محاکمات جزائییه قانوننک اوچیوز اون دردنجی و اوچیوز اون طقوزنجی ماده لری موجبجه قرار مذکور اعلامک نقضیه احکام قانونیه دائره سنده ایفای معامله اولمق اوزره اوراق متعلقه سنک محکمه مذکوریه اعاده سنه وایکی یوز غروش اعلام خرجنک تعرفه وتعلیمات مخصوصه سی احکامنه توفیقاً ایلروده حقسنز حقیقه جق طرفندن اخذواستیفاسنه ۳۰ تشرین ثانی سنه ۵۲۳ تاریخنده متفقاً قرار ویرلدی.

انجمن عدلیه مقرانی

انجمن عدلیه دن صادر اولان فی ۹ تشرین ثانی سنه ۲۲۵ تاریخلی قرارک صورتیدر .
چکمه جه صغیر بدایت محکمه سی ریاستندن محکمه استیناف مدعی عمومیلکی مأموریت علیه سنه تقدیم اولنوب متسلسلاً انجمن عدلیه یه حواله بیوریلان ۲۷ اغستوس ۳۲۵ تاریخلی مذکره ایله ملفوفاتی مطالعه اولنهرق اوراق مذکورنک خلاصه مالی: طودوری استهفو وصفی طرفندن برقطعه حجت شرعیه ایله متصرف اولدقلری اخور محلی فضولی ضبط واطرافتی اغاچله چوروبوب باغچه حالته وضع وخانه سندن قو کشاد و ایچریسنه صوغان زرع ایدن دیمترکی علیه نه محل مذکورک استرداد وکشاد ایتدیکی یولک سدی حقنده کوچک چکمه جه قضاسی بدایت محکمه سنده اقامه اولنان دعوی اوزرینه مرقوم دیمترکی نك مذکور عرصه ده مداخله سنک منعه دائر ویریان و حکمی اکتساب قطعی ایدن ۵ تشرین ثانی سنه ۳۲۵ تاریخلی اعلام غیابیده محرر منع مداخله لفظنک مبهم بولمسنه و او زمانکی هیئت محکمه نك تبدل ایتمش اولمی حسبیه مقصدک ایضاح ایتدیرلمی قابل اوله مامسنه منی ترکیب مذکورک مدعیلرک ادعای واقعلری وجهله کشاد اولنان قیونک سد ویا مقلقلرک رفع وهدمیله عرصه نك انلره تسامی معناسنی متضمن اولوب اولمادیغنک استیضاحنی متضمن اولدینی کورلدکدن صکره لدی المذاکره: بر اعلامک مبهم کوریلن فقره حکمه سنک ایضاحی اول اعلامی ویرن محکمه یه عائد و هیئت محکمه نك تبدلی ایضاح حکم ایچون اعلامی ویرن محکمه یه مراجعتیه مانع اوله میه جنی درکار اولمغله مبهم کوریلن فقره مبحوثنک ایضاحیچون چکمه جه صغیر بدایت محکمه سنه مراجعت اولنمی لازم کله جکنک محکمه مذکوریه ریاستنه اشعاری لزومنه بالاتفاق قرار ویرلدی.

انجمن عدلیه دن صادر اولان فی ۱۶ تشرین ثانی سنه ۳۲۵ تاریخلی قرارک صورتیدر .

منافع صندوقلرندن زراعت بانقه سنه مدور اقراضات عتیقه مطلوباتندن بر قسمی ایچون مقدا مصارف محاکمه وسائر اوله رق اختیار اولنان مبالغک دخی مطلوبات مذکوریه حقنده کی معفویتیه تبعیتی لازم کله جکی شورای دولت مالیه دائره سنک ۲۰ تموز سنه ۳۲۲ تاریخلی قرار ی اقتضاسندن اولوب مدیونین نام وحسابنه اوله رق بانقه جه اختیار اولنش اولان مصارف محاکمه و اجرائیه بعده مدیونین مومی الیهمدن تحصیل واستیفا قلنق اوزره بانقه دن تعویضاً محاکم ودوائر اجرائیه یه اعطا ایدلمش اولدینی کی اجرت وکالت دخی کذلک مدیونلر دن بالاخذ وکیللره ویرلمک اوزره محاکمه اعلاماته درج ایدلمکده وبو صورتله مطلوبات معفوه خارجده قالمقده بولندیغندن بانقه لهنده کسب قطعی ایدن اعلاماته مندرج مصارف محاکمه ایله وکالت اجرتلرینک ده مدیونلر دن استیفاسی لازم کله جکی بوکره دائره مشارالیه دن با مضبطه افاده اولندیغندن

بوابده کی مطالعة سمیجانہ لریک انباسنی مشعر ۲۵ اغستوس سنہ ۳۲۵ تاریخلی تذکرہ سامیہ انجمن عدلیہ یہ حوالہ بیورملقلہ مطالعہ اولندی .

مطلوبات مذکورہ دن اوچیز اون طقوز سنہ سی حساب قطعیندہ اقراضات عتیقہ مطلوباتی اولہرق الی میلیون بش یوز الی بیک کسور غروشک ادانہ تاریخندن اعتباراً تحقق ایتش اولان فائضیہ برابر عفو ایدلش اولسنہ واصل دینک سقو طی حالندہ فرع اولان مصارف محاکہ ایلہ اجرت وکالتک دخی استیفاسی لازم کلیہ جکنہ نظراً مصارفات مزبورہ ایلہ اجورات وکالتک دخی داخل عفو اولسی لزومنہ متفقاً قرار ویرلیدی معرضر .

انجمن عدلیہ دن صادر اولان ۱۶ تشرین ثانی سنہ ۳۲۵ تاریخلی قرارک صورتیدر :

شیلہ قضاسنہ تابع اوکزیل قریہ سی اہالیسنہ تخصیص اولنان اراضیہ ہجز قریہ لیلر طرفندن وقوع اولان مداخلہ اوزرینہ استحصال ایلدکاری اعلام شرعی ونظامی احکامنک عدم اجراسندن شکایتہ دائر بوکرہ مذکور قریہ ہیئت اختیارہ سی طرفندن نظارت جلیہ لریہ تقدیم اولنوب انجمن عدلیہ تودیع بیوریان ۲۹ اغستوس سنہ ۳۲۵ تاریخلی عرضحال اوراق متعلقہ سیلہ برابر مطالعہ اولندی .

مشکیکیرلہ ہم جوار دیگر قریہ لہر اہالیسی بینندہ متحدث حدود و سنور دعوالرندن طولای ویریان اعلام شرعی و بالآخرہ بوکا مستنداً لاحق اولان اعلام نظامی اکتساب قطعیت ایتدیکی حالہ اعلامات مذکورہ احکامی منطقہ علاقہ دارانہ عائد اراضینک تعریفات قانونیہ توفیقاً اتخاذ اولنہ جق تدایر مناسبہ و وسائط لازمہ ایلہ حدودی تعیین وعلامات فارقه وضعیلہ امر تفریقی اجرا اولنقلہ برابر دائرہ عائدہ سنجدہ قیدلری آکا کورہ تصحیح ایتدیریلہ رک سندات رسمیسنک اعطا ایتدیرلسی لزومی فی ۹ کانون ثانی سنہ ۲۱ . واجراجہ تعیین حدود ایدیلہ رک حکم اعلامک اجراسی لازم کلہ جکی مطالعہ سی دخی فی ۳۰ کانون اول سنہ ۳۲۴ تاریخلرندہ انجمن عدلیہ جہ قرارگیر اولمش اولدیغندن اولبابدہ تکرار ایراد مطالعہ وقرار اتخاذینہ محل اولمادیغنے متفقاً قرار ویرلیدی .

انجمن عدلیہ دن صادر اولان فی ۱۶ تشرین ثانی سنہ ۳۲۵ تاریخلی قرارک صورتیدر

حلب بدایت محکمہ سی ریاست اولیسنک ۷ تشرین اول سنہ ۳۲۴ تاریخلی مذکرہ سنہ بناء حلب استیناف مدعی عمومیلکندن مقام نظارت جلیہ لریہ تقدیم اولنان ۱۵ کانون اول سنہ ۳۲۴ تاریخلی تحریرات اوزرینہ حاملہ ابو ورج و ابو حشبہ چشمہ لری اوقافی تولیتی حقندہ حلوی زاده شیخ محمود اسعد افندینک حلب محکمہ شرعیہ سندن استحصال ایلدیکی اعلام ، حلب اوقاف محاسبہ جیلکندن لدی التیمیز فتواخانہ دن تصدیق و مجلس تدقیقات شرعیہ جہ تنفیذی لزومی تحشیہ اولہرق حلب ولایتہ اعادہ اولنمسی اوزرینہ جہت وقفہ رد و تسلیم اولنان مسققات و عقاراتہ معارف ادارہ سی طرفندن تعرض و بعضلریہ وضع ید اولندیغندن

بجملہ حکم اعلامک انفاذی مومی الیہ طرفندن استدعا اولنقلہ ایسده اعلام مذکور حکمی ، اوقاف ادارہ سنک منع مداخلہ سنہ متدائر اولدیغندن اولجہ محکوم علیہ اولیان معارف ادارہ سی حقندہ اجراسندہ تردد اولندیغنی بیانیلہ مقام نظارت جلیہ دن سبق ایدن استفسار اوزرینہ مقام عالی مشیختپناہیدن وارد اولان و خصوص مباحوث عنہ حقندہ صادر اولان اعلام مذکورہ وقفلرک من القديم الى الابد معموریتی لدی المعاینہ عندالشرع الانور نمایان اولدیغنی مصرح اولسنہ مبنی معارف ادارہ سنک مداخلہ سی جائز اولہمیہ جفنک مجلس تدقیقات شرعیہ دن افادہ اولندیغنی بیانی شامل بولنان ۲۹ تموز سنہ ۳۲۵ تاریخلی تذکرہ جوابیہ ایلہ اوراق متفرعہ انجمن عدلیہ یہ حوالہ بیورملقلہ مطالعہ و تدقیق اولندی .

لدی المذاکرہ : تذکرہ جوابیہ معروضہ بیان اولندیغنی وجہلہ معارف ادارہ سنک مذکور بغچہ یہ مداخلہ سی جائز اولہمیہ جفنہ وکافہ دوائر دولت عثمانیہ ، شخص معنوی حکومتک اجراسندن بولنمسی حسابیلہ دوائر دولت علیہ دن بریسی علیہندہ لاحق اولان حکمک دیگر دائرہ قارشو تأثیری اولسی لازم کلہ جکنہ بناء اوقاف ادارہ سی علیہندہ لاحق اولوب حکمی کسب قطعیت ایدن اعلام مذکور حکمک دائرہ مذکورہ حقندہ دخی انفاذی مقتضی بولندیغنے بالاتفاق قرار ویرلیدی .



قِسْرُ عَرَفِ شِيدَر

عرف وعادات

کچن مقاله مزده قواعد حقوقيه نك منشأ لرندن بری عرف و عادت اولدینی کوسترلمش ایدی .
عرف، عقولک شهادتیه مشتهر وطبايع سلیمه عندنده مقبول اولان شیدر (ماشتهر بشهادة العقول
وتلقته الطبايع السليمة بالقبول)

عادت ، طبایع سلیمه عندنده مقبول اولدینی حالده مرة بعداخری تکرر ایدرک نفوسده تقرر ایلین
شیدر (عبارة عما يستقر في النفوس من الامور المتكررة المقبولة عند الطبايع السليمة)
بونلرک بیننده کی فرق مفهومی اعتباریه در . اما ، ما صدق لری اعتباریه ایکیسی بر شیدر . (شو
قدرکه عادت معاملاتده عرف ، مقاولاتده استعمال اولنق دها مناسبدر) .

(فالعادة والعرف بمعنى واحد من حيث المصدق وان اختلفا من حيث المفهوم) .
برده تعامل وارددرکه ناسک استعمالی دیمکدر . بعضلری عادت ايله استعمالی مترادف عد ایدرلر .
بعضلرینه کورده عادت بر لفظی معنای مجازییه عرفاً نقل ایتمک ، استعمال شرعاً نقل ایلمکدر .
(تعامل واستعمال کله لرینک فرانسزجه مقابلی اولان Usage لفظی بر شینک اشخاص کثیره طرفندن
صورت عمومیده اجرا ایلمکده اولدینی افاده ایدر . عرف وعادت معناسنه اولان Coutume تعیری ایه
دها زیاده بر شینک خیلی زماندن بری قبول ایدیلرک جاری اولدینغه دلالت ایدر) .

عاداتک سبب ظهور و مرعیتی . — عادتله افراد بیننده کی معاملات ومناسباتک سوق والجاسیله
کندولکنندن ظهور ایدر وعمومک موافقت سکوتیه سیله تقرر ایلر . هیئات بشریه نك بدایت تشکللرنده
ومدون قانونلر بولنادینی زمانلرده دخی بین الناس بر طاقم معاملاتک جریان ایتسی ضروریدر . اشبو
معاملاتک تابع اوله جنی قواعدک تأسس ایلمسی طبیعت مصلحت ایجابنددر . معاملات متماثلنک تکرری
انسانلری قواعد مطرده اتخاذینه سوق ایدر . معاملاتده اطراد بولنامسی بهیمیت اوصافندن اولوب بو ایه
نوع بشر حقنده متصور دکلددر .

انسانک عقل وشعور صاحبی اولسی هر فعلنده بر مقصد وغایت بولنمسی استلزام ایدر ؛ معاملاتی هپ

احتیاج ومنفعت غرضنه مینیدر . اشبو اغراض ، انسانی حوایجی تأمین ایده جک یولده معاملات اجراسنه
سوق ایتش وهر معاملهیه مناسب قاعده نه ایه اکثریتک اتباعی ومکرراً اجراسی صورتیه تعین ایلمشدر .
بو صورتله انسانلرک مجموعی ویا قسم اعظمی نزدنده معروف ومسلم بر خیلی قواعد میدانله کیشدر . عادت
لفظنک دخی دلالت ایلدیکی وجه ايله بر شینک مرة بعداخری تکرری آنک تصادفی اولسی احتمالی رفع
وازاله ایدر .

ایشته بو وجه ايله هر اقلیمده وهر عصرده ظهوره کلن عادات ، اواقلم وعصرک اهلی عندنده معتبر
ومعمول بهدر . چونکه بونلر عمومک موافقیته خضوله کیشدر .

حتی مجله نك اوتوز التنجی ماده سنده « عادت محکمدر یعنی حکم شرعی بی اثبات ایچون عرف وعادت
حکم قیلنور کرک عام اولسون وکرک خاص اولسون » اوتوز یدنجی ماده سنده « ناسک استعمالی برحجدرکه
آنکله عمل واجب اولور » اوتوز سکزنجی ماده سنده « عادة تمتنع اولان شی حقیقه تمتنع کی در » قرقنجی
ماده سنده « عادتک دلالتیه معنای حقیقی ترک اولنور . » قرق اوچنجی ماده سنده « عرفاً معروف اولان
شی شرط قیلنمش کیدر » قرق دردنجی ماده سنده « بین التجار معروف اولان شی ینلرنده مشروط
کیدر » قرق بشنجی ماده سنده « عرف ايله تعیین نص ايله تعیین کیدر » دینلیور . پک چوق مسائل فقهیهده
عرف وعادته مراجعت ایلمسی وعرف وعادته مبتنی اولان نصوصده عرفک تبدیلیه نصک حکمی دخی
تبدیل ایدوب ایتیه جکنک بین الفقها موضوع بحث اولسی عاداتک درجه اهمیتنی اراهه ایدر .

عاداتک تقسیمی: عادات هر قومک استعدادینه ، صورت معیشتنه ، معاملات افرادک شکلنه کوره تخالف
ایدر . مثلاً سواحلهه بالقجیلقله تعیش ایدن انسانلرک عاداتی زراع بیننده کی تعاملاره وهر ایکیسنک عاداتی
سیار عشرتدرجه مرعی عادتله بکزه مز . کذلک تجارک عاداتی افراد سائر بیننده کی معاملاتیه تطبیق اولنماز
برده ازمانک تبدیلیه عادات دوچار تغیر اولور . بناءً علیه عادات بروجه زیر صور مختلفهده تقسیم اولنور .
برنجی تقسیمی — عادات اهلی اعتباریه ایکی قسمدر :

برنجیسی عرف عامدرکه جمع مالکده تعارف ایدن شیدر . تعیر دیکرله واضعی متقین وبر طائفه
مخصوصیه مستند اولیهرق برجماعت کثیره نك عرفیدر . بونک معتبر اولسی جای بحث دکلددر .
ایکنجیسی . عرف خاصدرکه جمیع مالکده موجود اولیوب معین برقومه ویا بر مملکت ویا بر قریه
اهلنه مخصوصدر . والحاصل هر طائفهیه مخصوص بر اصطلاحدر . بونک معتبر اولوب اولمامسی موضوع بحث
اولمش ایهده معتبر اولسی مرجحدر ، مجله دخی بونی ترجیح ایتشدر .

برده عرف شرعی وارددرکه عرف خاصده داخلدر .

عادات ینه بوعتبار ايله عمومی ومحلی قسملرینه آریلور . عادات عمومی بر دولت مالکنک هر طرفنده
مرعی بولنان عادتلددر . عادات محلیه ، بر مملکتک بر ویا بر قاقچ یرنده معتبر اولان عادتلددر .

وکذا مشترك وخصوصی قسملرینه آریلور . عادات مشترکه بر مملکت اهالیسنک هرصنفی حقنده جاری عادتلدردر . عادات خصوصیه اهالینک یالکیز برویا برقاج صنفه تطبیق اولنان عادتلدردر .

کورلدیکی وجه ایله بوتقسیملر بیننده تداخل واردر .

ایکنجی تقسیم — عادات قول وفعل اعتباریله ایکییه منقسمدر :

برنجیسی ، عرف عملی ویا فعلیدر . بر مملکت خلقنک برنوع سوت اکل ایتملری کی . شو حالده موکل سوت آل دیوبده نه سوتی اولدیغنی تصریح ایتسه بلدهده مصروف اولان سوته محمول اولور . (مجله ۲۴۷۳) . ایکنجیسی ، عرف قولیدر . اصطلاحات کی که بونلرک معانی لغوییه سی مطلوب اولیوب هر هانکی قوم و صنفه مخصوص ایسه آنلرجه مقبول معنای معتبر اولور . مثلاً رواجی مختلف ایکی درلو آلتون تداول ایدن بلدهده نه درلو آلتون اولدیغنی بیان ایدلمکسزین علی الاطلاق « شوقدر آلتون » دیو بازارلق اولنسه رواجی زیاده اولان آلتونه مصروف اولور .

وکذا فقهده مستعمل کفالت ، مثلیات ، جلب ، توقیف کلهلری کی علوم وفنونده قوللانیلوب معنای اصلیلرندن چیقاریلهرق بشقه معنالرده اصطلاح اولان کلهلر هپ بوقیلدندر .

اوچنجی تقسیم — عادات زمان اعتباریله ایکی درلودر :

برنجیسی ، مقارن سابقدرکه تعامله مراجعت ایدیه جک شینک حین وقوعنده موجود اولان عادتلدردر . ایکنجیسی ، حادث طاریدرکه تعامله مراجعت ایدیه جک شینک وقوعدن صکره ظهور ایدن عادتلدردر . دردنجی تقسیم — عادتلدر تحریر اولنسی اعتباریله ایکی درلودر :

برنجیسی ، عادات مکتوبه درکه محرر بولنان قسمیدر . اسکی زمانلرده بونلره « عادات شایعه ومشتهره » دخی دنیلوردی . بونلره صلاحیتدار بر هیئت طرفدن تصویب وقبول ایدلمش اولمق اعتباریله « برنج اصول تقرر ایتش عادات » دخی تعبیر اولنوردی .

ایکنجیسی ، عادات غیر مکتوبه درکه یازلامش قسمیدر .

عاداتک شرائطی — عرف وعاداتک معتبر اولمسنده ایکی شرط واردر :

برنجیسی ، مطرد ویا غالب اولمسی در . اطراددن مقصد اصلاً تخالف ایتمه سی ، غالبدن مقصد ایسه قلیلاً تخالف ایتسه بیله علی الاکثر تخالف ایتمز اولمسیدر .

ایکنجیسی ، سابق مقارن اولوب حادث طاری اولماسیدر .

بعض اوروپا مؤلفلری عاداتک شرائطی بوجه زیر بشه چیقارلر :

برنجیسی ، اطراد یعنی سیاق واحد اوزره جریان ایتسیدر . مثلاً سارق حقنده بعضاً حبس وبعضاً نفی جزاسی اجرا اولنورسه « اطراد واردر » دینلهمز .

ایکنجیسی ، عمومیتدر . یعنی عادات عمومیهده بر مملکت اهالیسنک جمله سی وعادات خصوصیهده بر قسم اهالینک مجموعی بیننده مرعی اولمسیدر . عرف عام ایله حکم عام ثابت وبتون اهالی حقنده جاری

اولور . عرف خاص ایله حکم خاص ثابت یعنی اهله منحصر اولور ، سائرلری حقنده یا کندی عادتلدینه ، یاخود احکام عمومیهده توفیق حرکت ایدیلور .

اوچنجیسی ، علنیتدر . یعنی عمومی ایسه بتون خالقجه ، خصوصی ایسه عائد اولدیغنی صنف اهالنجیه معلوم اولمیدر .

دردنجیسی ، امتداد زماندر . یعنی بر عادت بر مدت دوام ایتدکدن صکره ترک اولنورسه معتبر اولماز . بشنجیسی ، عدم اسقاطدر . یعنی بر قانون وضعیه اسقاط ایدلمه مش اولمیدر . چونکه عادت دلالتدر ؛ قانون صراحت قیلندندر . صراحتیه مقابل دلالتیه اعتبار اولماز .

عاداتک ادله سی — بعض اوروپا ممالکندنه عاداتک وجودنده اشتباه اولنورسه دلائل آتییه مراجعت اولنور . برنجیسی ، عاداته دائر اثرلدردر . بواثرلری تعامللری جمع وتحریریه مأمور هیئات رسمیه طرفندن ویاخود ارباب وقوفدن بری جانبندن یازلمش اولمیدر . اگر او عادتک وجودینی اثباته لزوم کورلدیکی زمان . اول تألیف اولنمش کتابلرده بولنور ایسه موجودیتنده شبهه ایدلمز .

ایکنجیسی ، محاکم ویا دوائر عائدسندن صادر اولان اعلامات و اوامردر . بر عادتک بونلرده ذکر ایدلمش وحکمه اساس اتخاذا اولنمش اولمسی وجودینه دلیلدر .

اوچنجیسی ، شهوددر . فرانسه وبلجیقاده ازمنه سالفهده عاداتک وجودی ونه صورتله تفسیر و تطبیق اولنسی لازم کله جکی (تورب Turbe) نامیه تشکیل ایدیلن هیئات مخصوصه دن استیضاح اولنوردی . بوهیئت مدعی عمومی ، دعوی وکیللری وارباب اختصاصدن ترکب ایدر واعضاسی اون کشیدن عبارت اولوردی . بر تورب بر شاهد عد ایدلکیکندن بر عادتکی اثبات ایچون ایکی توربدن سوال اولنوردی . ایوم بواصول متروک اولوب عادتکی اثبات ایچون بنیه شخصیه استماعی وشهادت واقعه نک قبول وعدم قبولی حکامک تقدیرینه بر اقلمشدر . عاداتک نواقصی — افادات سابقیه نظراً عادات بر قومک احتیاجات واحتساسانه موافق اولوب حتی آلمانلرک قولنجیه « اقوامک مرأتی » حکمنده بولنسنه نظراً اهمیت غیر منکر ایسهده بعض نواقصی واردر .

اولاً . علی العموم تعامللر قانون مدون شکلنده اولمادیغندن حکم و شموللری بالسهوله آکلاشیلهماز . ثانیاً ، هرشی تبدل ایتدکجه آنلره عائد قانونلرده ترقیات واقعه نی تعقیب ایدر . عادات ایسه اولیه قولایقله تبدل ایتمز .

ثالثاً هر مسئله ایچون بر تعامل بولنهماز . حالبوکه ایجابنه کوره قانون وضع اولنیهیلور .

رابعاً ، بر مملکتک هر قسمنده وبلکه هر قریه سنده بشقه بشقه عادات بولنیهیلور . بویله متنوع قواعد تبعیت ایسه غایت مشکلدردر . حتی فرانسه قانون مدنیسنک نشرنندن مقدم عادات عمومیه وخصوصیه نک کثرتی مشکلات تحدتیه سبب اولوردی . دفتر خاقانی ناظری .

محمود اسعد

حکمت حقوقك تکاملندن

قدرت فاطره صمدانيه نك حقوق طبيعيه ي مدرك اولق استعدادنده يرا تدبيني نوع بي بشر مجتمعا يشامغه طبعاً ميال اولديغندن حيات اجتماعيه انسانلرك كسب ترقى و تكامل ايچون محتاج اولدقلى راحت و سلامت و تعاونى تامين ايلر .

انسان، طوغاز طوغاناز ايلك عائله نك بر عضوينى تشكيل ايتديكي كبي عائله لر دخى يكدىكريله اتحاد و امتزاج ايدنجه بر ملتك ، بردولتك ظهورينه اساس اولان هيئت بشريه يي تاسيس ايدرلر . بناءً عليه حال اجتماعيت انسانلرك خلقتلى اقتضاسندن بولنديغندن بعض مؤلفينك ذهباي كبي هيئات بشريه نك تشكلىدن مقدم طبع انسانده فطرى بر ميل ازواء مشهود اولماش واقوام وحشيه بيله از چوق بعض روابط و مناسبات اجتماعيه يي حس و ادراك ايله حقوق طبيعيه و حاكميت اجتماعيه يه منقاد اوله ككشدر .

هيئات بشريه نك منشأ ابتدائيسى اولان عائله بالاخره قابليت اجتماعيه نك دهها واسع بر زمينده مرقى اولسنى تامين ايدن فعاليت بشريه نك اصول اساسيه سنى متضمن بولنش تغيير ديكركله اك قديم نشأتك بشريت و ايلك تربيه انسانيت اولان عائله ، حقوقك قواعد اصليه سيله اساس حاكميتك ايلك منبعى اوله رق طانلمشدر . بر هيئت بشريه تاسيس ايدنجه حقوق ، او هيئت افرادينك يكدىكرينه قارشو لازم غير مفارق اولان مناسباتك تقرر و تايدىنى كافل اوله رق طوغاز . يعنى حقوق ، زوج ايله زوجو و بونلرك زاده محبتلريله يكدىكرى آره سنده واجبه اطاعته ، نفوذ و حاكميته و على العموم اعضاى عائله يه متعلق وظائف و مناسبانى تعيين ايتك اوزره عائله ايچنده نشوونما بولور . بو صورتله صدر عائله ده تجلى ايدن حقوق ، جمعيات بشريه نك عامه مراتب و طبقاننده درجه درجه توسع و تكامل ايلر .

بشريتك عيني محيط اجتماعيسنده فيضاب شهود اولان حقوق هيئات اجتماعيه نك تشكلات اساسيه لرنده انسانلره صيقى صيقى ربط و بند اولنش ايسده زمان اولوركه ذكاء بشر منفعت عامه ملاحظه سته مبنى صفحه وجدانى دهها ابي تنوير ايتك عزيميله حقوقى حيات اجتماعيه يه دهها نافع بر شهراي تكامله سوق ايچون عاداتا بر آلت كبي استعمال ايتك ايستر . فقط مايه خلقت بشردن مترسب اولان حقوق ، هر حالده سائر قواى انسانيه يه غالب كلهر ك حيات بشريه يه حكمران اولور . بو معماي حكمتك حلى ايچون حيات اجتماعيه انسانيه ايله ممزوج و مشبوع اولان حقوقك عموم قواى اجتماعيه نك ممتازى عد اولنغله برابر قواى مذكوره يه مربوط و او قوتلردن استعانه يه مجبور اولديغنى تسليم ايتك اقتضا ايدر . ايشته انسانه بر موهبه ربانى اولان عقل و ذكاء ، فلسفه جه اسباب دقتدن اولان تفحصاتدن واستقصا آتده متوسع بولديغنى بر زمانده حكمت حقوقك ايلك تملنى وضع ايلدى . بو حقيقتيه مبنيدر كه ازمنه قديمده حكمدان (پتاغور) يونانليرك پك زياده بوزولش اولان اخلاق و حيات سياسيه لرني اصلاحه مدار اوله بيله جك بر نمونه فضيلت كوسترمك

امليله كندى اصول فلسفه سى اوزره دىنى و سياسى بر جمعيت تاسيس ايتديكي كبي (پريقليس) ك وفاتى متعاقب سرعته منطقى اولغه يوز طومش اولان فكر عاميت و حريتك منع فناسيله تامين ادامهى ايچون (افلاطون) دخى خيالى بر حكومت پلانى ترتيب و ترسيم ايلمشدر .

حكمت حقوق ، قرون وسطانك اواخرينه طوغرى علوم و فنون سائره كبي تكامله طوغرى ايلرولركن بذاته حقوقك تكاملنه امثالاً ملتلك درجه قابليت مدنيه لريله موازى بر خط معين اوزره ايلروله مك مجبوريتنده بولدى . هر ملت ، عالم انسانيتك بر عضوى اولق اعتباريله قاعده تكامله تابع اولديغنى كبي حكمت حقوقك دخى بو قاعده دن تباعد ايتكمسزىن آغر آغر خطوه لرله متوسع ، بعضاده ضرورى بر توقفه بيله مصادف اولديغنى كورولدى . بونكه برابر بالفرض افلاطونك حكومت خياليه پلانى كبي صرف عقلى اولان قواعد حكمتى تعيين ايدن حكمانك من قبل الرحمن متخلق بولندقلى ذكاء قوتيله كشف و ادراك ايتدكلى قواعد و دساتير ، فكر بشرك توسعيله تكامل ايتكدن كرو قلامش وهله كنز لايفناى معالى اولان فلسفه اسلاميه دخى اك زنكبن بر منبع فوار حكمت اوله رق ذكاء انسانى يي بر قاتدها تنوير و افاضه ايتمشدر .

الحاصل تكاملندن بر نبذه بحث ايتك ايتديكمز حكمت حقوق على الاطلاق حكمتك اك مهم بر قسمى اولديغنى حالده آهسته بر تكامله تابع اولمقندن قورتيله ميه رق اكثر مسائل نظريه سنده علما دوچار اختلاف اولمشدر .

بونكه برابر كنچينه طبع بشرده مندىج اولان نيجه نيجه حقايق و حكم ازليه دهها واردركه بخشايش سبحانى اولان نورذكا سايه سنده بونلر دخى درجه درجه منكشف اولدقه حقوقك اصول و قواعد حكيمه سنى شامل و موضح اولان حكمت حقوقك پيدر پي تكامل ايتسى شهبه سزدر . استطراد قيلندن اوله رق شوننده علاوه ايدلم كه : حكمت حقوقك بر فن مخصوص اوله رق تصنيف و تنظيمنده و مباحثك تفسير و توسيعنده علمائ غربك همتلر پك بيوك اولوب او سايه ده حكمت حقوقه دائر اليوم اوروپا كتبخانه عرفاتى تزيين ايدن بر خيلى مؤلفات مهمه و مكمله موجوددر . مع هذا فحول علمائ غربك دخى فلسفه اسلاميه يه دائر نيجه مؤلفات بر كزیده لرى واردركه ترجمه اولنماش ، اولنلرينك لسان عربيه واقف اوليانلر مز ايچون محتوياتى دكل اسملرى بيله معلوم دكلدر . دور معارف سوز استبداده حكمت حقوق درسيه برابر بو مثلاو اثار بديعه عربيه نك ترجمه و تعليمى ممنوع ايدوكندن شمدي يه قدر بونلرك محتوياتندن استفاده ايتك همان مستحيل ايدى . بوكون ايسه له الحمد و المنه فلسفه اسلاميه نك كافه اقسام و شعبانه متعلق مؤلفات موجوده عربيه نك لسان عثمانى يه ترجمه و نقلنده هيچ بر مانع قالمديغندن همتلى ارباب اقتدارك بو باده بذل همت بيورملرني رجايه حقمز واردر .

محمد عزيز



حقوق

حقوق، بتون اقوام جهان اوزرنده حکمران اولمسنه نظراً ادراک بشردر و بونظر عام وشامل ایله باقیلنجه علم حقوق، افراد بشر آرمسند اولان روابط ومناسبات ضروریه بیلیمک دیمکیر . بوعبارایله حقوقک اساسی نفسمزده فطرمزده مرکوزدر . یوقسه قوانین ونظامات موضوعهک نتیجهسی دکدر . لسانلر صرف ونحوک تدویندن پکچوق زمان اول موجود اولدینی کبی افعال بشریه یی اداره ایدن قواعد دخی قانون واضعلرینک اوقواعدی شرح وایضاح ایچون تدوین ایلدکری قوانیندن پکچوق زمان اول موجود ایدی .

لسانه نسبتله صرف ونحو . شعره نسبتله فن عروض ، قیاس واستدلاله نسبتله فن منطق نه منزلهده ایسهلر قواعد حقوقه نظراً دخی قوانین ونظامات موضوعه اومنزلهدهدرلر .

اجله علماء اصولدن قاضی ابوزید حضرتلرینک بمناسبه دیگر یرلرده دخی نقل ایدیلن سوزی حقوقه متدائر بونظر شاملی بشقه برطرز افاده ایله مؤید بولندیغندن بوراده تکراراً ذکر یی مناسب کورلدی . مشار الیه شویله دیور : « جناب حق انسانی امانت الهیه سینه محل اولهرق خلق ایلدیکندن عقل و ذمت ایله اکا اکرام ایتدی و بو اکرامه مبنی انسان له وعلیه اولان حقوقک وجوبنه اهل اولمغله ذات الوهیتک (امانت) تسمیه بیوردینی حقوق اللهیدن دیله دیکی حقوق ؛ انسان اوزرینه ثابت اولدینی کبی بوحقوقی حامل اولمسیله کنیدیسی ایچونده حق عصمت ، حق حریت ، حق ملکیت ثابت اولدی . هر فرد انسانی ایچون بوعهد و ذمت وارددر . وبونکچون هر فرد ، حقوق مشروعهک کنیدی اوزرینه وجوبنه اهلدر . ناصلکه حقوقه مالک و حردر . انسانک بو اعزاز واکراملره مظهر اولسی انجق ذمته و حقوق الهی (یعنی لسان شریعتده شانی تفخیماً حقوق الله اطلاق اولنان حقوق عمومیه یی) حامل بولمسنه مبنی در . »

حقوق، حقیق جمعی در . حق کلهسی برچوق معنایه کلیر . یا از جمله ثابت و متحقق اولان شیئه ، فصل وقضا اولمش امر ومادهیه ، برکیمسه اوزرینه واجب وثابت اولان شیئه ، مال وملک ، دینور . (بو ذات اهل حقددر) قولمزده اولدینی کبی . عدل معناسنده دخی مستعملدر . جمعی اولان حقوقکده متعدد معنالی وارددر . بعضاً مفردینک استعمال اولدینی یرده او استعمال اولماز ، بعضاًده کنیدینک استعمال ایلدیک یی مفردی استعمال ایدلز : امر حق ، اهل حق ، علم حقوق ، روما حقوق ، عثمانی حقوق کبی .

اصطلاح اهل فنده حقوق ، اول علمدرکه قوانینک مبتنی اولدینی قواعدی و او قوانینک معناسی ایله آنلره ترتیب ایدن نتایجی بیلدرر . شویلهده تعریف اولمشدر : بر علمدرکه حقی ناحقندن فرق و تمیزه دلالت ایدن قواعدی اوکردهدر . بری برینه ملاً قریب اولان شو تعریفلر ایله معرف علم حقوق نوع بشرک وظائف ظاهره سنی تحدید ایدر . علم اخلاقک هدف نظری انسانک وظائف باطنیه سنی اولدینی حالده علم حقوقک غایه نظری افعال ظاهریه متوجهدر . انسانک نیقی نه اولورسه اولسون علم حقوق انی ظواهر افعالی ایله تدقیق ومحاکمه ایلر . افراد بشرک بری برلریله اولان مناسبات ومعاملاتی اخلاک ایتماک اوزره هر فردک خلقة حائز اولدینی حریتیه حصهلر تعیین ایدرک هرکسک حریت مشروعه سینه حائل اوله جق سوء استعمالاته میدان ویرمز . حقوق ، معیشت اجتماعیهک نتیجه لازمه سی اولدیغندن وجداندن بشقه بر حاکمه ذی اقتداری وارددرکه اوده قدرت عمومی تشخیص ایدن حکومت منتظمه مشروعه در .

واقعا انسان بوعالمه حر اولهرق کلشدر وافراد نوعیه مساوات حالنده یارادلمشدر ، فقط برقوة مخالفهک تقلبندن مصون قالوبده حریت مشروعه سینه بلا تراحم مالک اوله بیلیمک ایچون فطرة حائز بولندیغی حریتک سائر افراد جمعیه مزاحم قسمی فدا ایدرک حکومت مشروعه سینه وتنظیم ایلدیک قوانینه کردانداده انقیاد اولسی ضروریدر ، نته کیم حکومتده تبعه سی آرمسند متساویاً اجرای عدل و داد ایله منافع شخصیهک تعارضی دفع و هیئت مجتمعهک سعادت و شوکتی محافظه ایتک ایله مکلفدر . بوندن نمایان اولورکه افراد جمعیتک بری برلریله اولان مناسبات ومعاملاتی ایچون قانونلر اولدینی کی تابع ایله متبوع آرمسند بر طاقم حقوق و وظائف وارددر .

بردولتک تعالی شان وشوکتی وجناب منع منانک بوحال سافله بختیاران عبادینه انعام واحسان ایلدیک رفاه حالدن برامتک نصیبه دار لطف و کرم اولسی شو حقوق ووظائف متقابلهک ایک طرفلی حسن اجراسنه وابسته در (هکذا سنة الله فی ارضه)

حقوق ، بردولتده کی افرادک حقوق ومناسباتنه تعلق ایتسنه ویا خود مصالح عمومیه ویا خصوصیه ملابسه سیله بین الامم مناسباته متدائر بولمسنه کوره اول امرده حقوق داخلیه و حقوق بین الاقوام اولق اوزره ایکیه تقسیم اولمشدر . بونلردن هربری ده حقوق عمومیه و حقوق خصوصیه اولهرق ایکیه انقسام ایدر .

حقوق عمومیه داخلیه : حقوق اساسیه ، حقوق اداره ، حقوق جزائییه شاملدر . حقوق اساسیه ، دولتک صورت تشکلی وقوای عمومیهک وظائف ایله یکدیگرینه اولان مناسباتی تعیین ایدر . حقوق اداره ، حاصه قوه اجرائیهک بتون درجائده کی وظیفه سنی ترتیب ایلر . حقوق جزائییه حقوق عمومیه ، رجوع ایدر ، چونکه مجازات ، عموم نامنه اولهرق دوات طرفندن اجرا اولنور . بونکچوندرکه حقوق جزائییه علی الاکثر حقوق عمومیه اطلاق اولنور ، دهها طوغریسی حقوق عمومیه دینلنجه ذهنه کاول حقوق جزائییه تبادر ایدر . حقوق خصوصیه داخلیه : حقوق مدنی و حقوق تجاریه و اصول محاکمه کی مشتملدر .

حقوق عمومی و خصوصیه به تقسیم ایدلمش اولان حقوق بین الاقوام حقوق داخلیه کی اصل قوانین ایله ترتیب و تنظیم اولنمیشدر. بین الدول اهره صره ظهور ایتمش اولان مناقشات هپ عرف و تعامللر و یا خود معاهدات ایله حل و فصل ایدلمشدر.

عمومی حقوق؛ بین الاقوام بر قبول ناقصدن، بر تصدیق نا تمامدن بشقه بر ماهیتی حائز دکدر. بعضاً دخی مناقشات دولیه حربدن بشقه بر صورتله نتیجه لمر. خصوصی حقوق بین الاقوام ایسه بالعکس بر قبول حقیقی بی بر تصدیق تامی حائزدر. چونکه بونوع حقوقی تطبیق ایتمک و قواعدینه مراعاة ایلک هر دولتک محاکمه عائددر.

محكمة تمیز اعضا سندن

برکت زاده اسماعیل حق

طب قانونی

بزده طب قانونی به دائر بر قاچ سوز

سلم تکاملده اشغال ایتدیکمز موقع مخصوص اعتباریله عزیز و مقدس وطنمک جهان قارشی ارائه ایتمکه باشلادینی صفحات تجدد و انقلابده حصول مقصدی تأمین ایتمک یعنی صدمات دهر ایله آهنگ دورانه کسل عارض اولمش اولان آسیاب اداره به بر استقامت دیگر و یرمک طریق مشروطیتده کشاده و بلند بر جبهه ایله دائماً ایلری دوغری بی محابا یورویه بیلیمک ایچون مؤثر حقیقی بی توزیع عدالتده آرایان ارکان محترمه حکومتمز میاننده عدلیه نظارتک وظائف مترتب مشکله سنی مقر و معترف اولانلر لاشک اقرار و اعترافلرنده صادق قالانلردر.

بر نظر شامل و نقاد ایله تشکیلاتک هر جهته بردن عطف لحاظه انتظام و استکمال ایدن نظارت جلیله، دور زائیده مطالعه سی، تأمین استفاده شویله طورسون اضاعه و قته خادم اولمقندن بشقه مزیتی اولمایان و از باب عدل و حقوق النده بر صفحه میده کی شوراده بوراده سور و کله ن « جریده محاکم عدلیه » نک شان مشروطیت لایق و آمال کلاتپرستانه ملت موافق بر طرز نوین و متین اوزره انتشارنده اختیار مسامحه ایده مزیدی.

قصر بضاعه و عجز نقصانله برابر کچن سنه تأسیسنه موفقیت الیرمن « عثمانلی حقوق انجمنی » نه قبول و ادخال ایدلمش اولمق صلاحیتیه و فحول و اسانده حقوقزدن متشکل اولان بو علمی و کزین زمره فضلاده وظیفه عاجزانهم، طب قانونی Psychiatrie دنیلن طب روحی کی شعباته تماس ایده جک مسائله بحسب المسلك بیلدکری می عرض ایتمک دائره سنده تعیین و تقید ایدلمش بولمق حیثیتیه ایلک نسخه سی منظور چشم مفخرتم اولان « جریده عدلیه » مزه مسائل مباحوث عنایه دائر آرده بر قاچ سطر یازی یازمقندن نفسی منع ایده مزدم. حقیقت دوشونیلورسه دنیه بیلیرکه بزده بلامبالغه یوق مرتبه سنده ناقص اولان معلوماتدن کزیده کوزه چاربان، محاکم عدلیه مزده هنوز لزوم و موجودیتی حس اولنمیش و شیمدی به قدر کندیسنه هیچ — همده هیچ — اهمیت و یرلمش اولان طب قانونی در.

بر یاندن اطبا طرفدن تنظیم اولنان راپورلرک مصطلحات فیه مزه هو هوسنه تطبیقاً تنظیمنده کی تقدیر و مجبوریت دیگر یاندن مکتب عالی، حقوقزده بوشعبه دائر طلبیه حرف واحد تعلیم و تدریس اولنمسیله آره یه کیردن بیکانکی و غرابت، مدارس طبیه مزده هزار مزاحم ایله اکتساب ایدیلن معلومات طب قانونی بی بر شجر بی ثمر کی عقیم بر افقده و بوندن نه اطبا، نه حکام ونده دولایسیله ملت و مملکت استفاده ایده میهرک و کیم بیلیر نیجه نیجه عدالتجویان امت — بو آ کلاشیلما مزلق یوزندن — حقاری احقاق ایلیمه میهرک روح عدالت مشکل تعمیر ضربه لر اورلمقده در!

بو بر نقصاندر؛ و اویله بر نقصانکه بونک اکال و استکمالنده ذره قدر تردده، تجویز تراخی به محل و مساغ یوقدر. وطنه بونقطه دن اولسون جز نیجه بر خدمتده بولنه بیلیرسم نه موطلو بکا! اجتماعات ایله پک صیقی صهریت و ارتباطی اولان بوشعبه مهمه به غرب حقوق علماسنک عطف ایتدکری اهمیت عظیمه سایه سنده بوکون کتبخانه عرفانه زینت و یرمک، تنیه فکر بشر ایچون برانمودج بی بدل تشکیل ایده جک، ماحصل ده ای فیاض غرب ایچون بر شرف محض عد ایدیلجک نیجه مخلصات و مدوناتک مجلای امکانده صورتپذیر اولسنه میدان آچیلمش اولدیفندن شو حالک پک چوق خصوصاً تاده اولدینی کی بوشعبه مستثنای فنده ده تشنکان ترقی و تکملمز به بدرقه استرشاد و اقتدا اولسی — منفعتمز نامنه — اک چوق تمنی اولنه جق مهمه لر دندر.

ایشته فرانسه ده (اورفیل) لر، (دوه ورژی) لر، (تاردیو) لر، (ده لان) لر، (بوئی) لر واک صوک اوله رقی تیشهن (بروآردل) لر بوجهلندن آلمانیا وانکلترده توره ی نیجه طبای قانونیه بوزمره کزیده دندر.

آوان تحصیل مزده میرالای متوفی آغوب خاندانیان بکک فرانسه زجه دن لسانزه منقول مختصر طب قانونی کرک طرز انشا و کرک تشکی دائره احتوا جهتلرندن قبلبری احتراصات فیض و کال ایله لبریز اولان طلاب طبک پک اوقدر ایشنه یارامدنغندن ایچمزده لسان افرنجیه و قوفی اولانلر، حل مشکل ضمننده اوصره لرده فلاسیق اولمق اوزره قبول اولنان وایکی بیوک جلد اوزرینه تدوین ایدلمش بولنان (بریان نه شوده)

نك اثرينه مراجعت ايدرلر ايديسده بومهم درسك يالكنز صوك صنفده واوده هفته ده آنجق بزكره تدريس ايدلكده اولسي وفرانسهدن كيتيريلن اوقوجان ايكي جلد كتابك بويله طلبه لك علمنده دور واكالي دائره استحاله ده بولنسي جهت بويله ايچيمزده مكبتدن طب قانوني يه لايقيه واقف اوله رق يتيشه ن اطبانك عددجه پك قليل اولديغني اعتراف ايتك مقتضاي حقوقي و نصفت و بونده كي اصرار من مجرد « كشي نقصاني بيلمك كي عرفان اولماز » مصرع معروفك حكمنه تبعيت در ديرايسهم كيمسه نك مؤاخذه سنده هدف اولمام صانيرم .

مع هذا بودرس مهمك بوكون فاكولته ده دوقفور بهالدين شا كركب كي بر يدمقترده توديعيله قريباً بزده ده طب قانونيك وجودينه دات ترقيات منظور اوله جق و بوندن يالكنز مدرسه طبيه مزدكل ، مكتب حقوقز ، حكمنز و محاكمز و نتيجة التبعيه اوله رق ده ملتزم و مملكتمز جهت جهت استفاده لر تايمين ايد بيله جكدر .

اويله بردورده يشايورزكه امور و معاملات عدليه مزك سوائق استكمالي مياننده طب قانوني كي برهان تمدن ودها دوعروسي حد ذاتنده تمدنكار برسائق مؤثر ك كوشه نسيان واعتراده كا كان عاطل و خوابيده بر حالده قالمسند ارتق تحمل يوق . نوكانه زمان جواز ويريور نه ده وجدان !

..

بو مدخلي تعقيب ايدجك سلسله ، قالاتده بر پروغرام ، معين و ثابت بر خط حر كته تبعيته مجبور اولديغمزي شيميدن حس ايديوورز . بلا استثنا جمله سي لسان فصاحت بيان عربدن مأخوذ مصطلحات موضوعه طبيه مزك يعني جمله لر آره سنده استعمالنه مجبور قاله جغمز تعبيرات فينه نك كرك حقوق طلبه سي و كرك حكمنز جه تماميله انكشاف ايتسي ؛ ايشده مجهول و حق مهم هيچ بر نقطه قلامسي ايچون اشارات مخصوصه ايله صرف تركيه يه نقل و ترجمه سنده ذهول ايدليه جك و هر شيدن اول مثلا : عضويت بشر ، بر اقليميه تشبيه اولنه رق « اقليم بدن » صورتنده ياد ايدليكي و هر اقليم فصل ولايات و الويه و قضا و نواحي يه تقسيم اولنمش ايسه « اقليم بدن » ده علم تشريحه بر چوق نواحي يه تقسيم اولديغني ايچون ايلك خطره جهدمز وجود انسانيك تشريحاً منقسم اولديغني نواحي يه تلخيصاً بسط و ايضاح جهته توجه ايديله جك و ازان جمله : ناحيه مابضيه ، ناحيه مرفقيه ، ناحيه رقيه ، ناحيه ابطينه ، ناحيه مغنيه ، ناحيه شرسوفيه ، ناحيه حسيه ، ناحيه عجان و امثالي نواحي مهمه بدنك - يه تلخيصاً - تركه تعريفاتيله شرح و نقلنه چاليشيه جقدر .

تاكه محاكمزده طبي بر راپور قرائت و مطالعه اولنديغني وقت هيچ اولمازسه بو تعبيرات ايله وجودك هانكي طرفي قصد ايدليكي يك نظرده آكلاشيله بيلسون .

بر بوراده بالطبع طب طلبه سنده خطاب ايتيه جكمزدن مدارس طبيه ده تدريس اولنان طب قانوني يه بر جريان معكوس و يرمكه مجبور اوله جق يعني طب قانوني يه ملابس و محاكم عدليه يه تنويره ساعي معلومات طبيه نك ارباب حقوق طرفدن نصل و نه صورته تفهم و تلق ايدلسي لازم كله جكني ارئه و تسهيله

چاليشه جغز . تاكه طرفين يينده يعني دوائر طبيه ايله محاكم عدليه آره سنده هيچ بر نقطه شك حصوله ميدان قلماسون .

ايد اولنوركه خط حر كتمز بو اولنجه شمبات مهمه عدليه دن بري اولوب مملكتمزده حقمنز اوله رق اك كيري قلمش اولديغني ديدنه تلفله كورولن طب قانوني يه بر تازيانه شوق افزا اوروله رق بعد ازين اوكا كايغني بر حيات نوين و تازه ويرييلر و بويله لكه نظر كاه حكام كرامه واسع بر خاور تبع ، ملت و مملكتمزده فياض و پر انوار بر واحه تكمل و تجدد كشادي ميسر اولور . في ١٤ كانون اول سنه ١٣٢٥

دوقفور بافرملي

يا تقو



اعلانات

« جریده عدلیه ده منتشر اعلانات ، علاوه صورتیله صحیفه نومروسی بوروتلیه رک درج ایدلمکده بولندیغندن
بو صحیفه لرک حین تجلیده چیقاریلوب چیقارلامسی قارئلره عائددر »

بیگ اوچیوز یکریمی بش سنه سی مایسنک اون یدنجی بازار کیجه سی ساعت بر راده لرنده بیغا قضا سنک دیمتوقه ناحیه سنه بر ساعت بعد ومسافه سی اولان قارغی چفتلکنی لیلأ ومسلاً باصه رق قتل قصدیه استعمال سلاحه ویغما وغارت اشیایه ویثاقلق و آمر غیر مجبرلک ایله قوریچی شعبانی قتل واسماعیل قتل قصدیه جرح ایتملرندن ناشی حقلرنده اجرا قلنان تحقیقات ومعاملات قانونیه یی حاوی اوراق اوزرینه درسعادت هیئت اتهامیه سنجه جنایتله اتهام ایدلمش اولان آرنبود اسماعیل ومرتضی وکل احمد وصالح وحافظ عاصم وبرادر ملکی وقره محمد وقوریچی ابراهیم ومرسین علی بک وتاریخ اتهامدن ایکی ماه مقدم وفات ایدلیکی قریه سی مختاری طرفندن ویریلوب اوراق یاننده بولنان علم وخبردن آکلاشیلان یکریمی سکنز یاشنده رستم اوغلی حسنک رفقاسندن اولوب عقیب وقعه ده فرار ایدرک الیوم وادی فرارده بولنان مذکور دیمتوقه ناحیه سنده حلواجیلقله مقیم وعن اصل دبره سنجاغنک دبره زیر قضا سنک صودو قریه سنندن طاهر اوسته برادری اوتوز یاشنده مرتضی اوغلی مرتضی چاوش و بیغا قضا سنه تابع چنار دره قریه سنندن ومقدم برقاچ فعل ایله متهم بولنوب قطعه عسکریه سی غیر معلوم بولندیغی کوسترلمش بولنان صالح وکذا مومی الیه علی بکک یاننده قوریچی وعن اصل پرزرین سنجاغنک پیلاوه قریه سنندن اوزون بویلی یومرو آللی الا کرزلی آچیق قاش صاچلی مطروش قرال بیقلی بغدادی بکرزلی احمد اوغلی مرسین و بیغانک قارغی چفتلکی مستأجری اللی اوچ یاشنده دیمتوقه لی حاجی خلیل آغا زاده علی بکک قانونه اطاعتله محکمه یه کملری ایچون جانب ریاستدن کندولرینه اون کون مهل ویرلمش اولدیغندن مهل مذکور ظرفنده مرقومون مرتضی وصالح واحمد اوغلی مرسین وعلی بک اجابت ایتمکلی حالده قانونه اطاعت ایتماش نظریله باقیله رق محاکمه لری غیاباً بالاجرا حقوق مدنیه دن اسقاط وامواللری جز ایدیه جکی وبوباده برکونا ادعایه حقلری اوله میه جفی و مرقومونک بولندقلری محلی خبر ویرمکه وبالجمله ضابطه عدلیه مأمورلرینک مرقومونی در دست ایتمکه مجبور بولندقلری کبی معاملات جزیه حقنده دخی مدعی عمومیلکه تبلیغات اجرا ایدلیکی جهتله اصول محاکمات جزائی قانونک اوچیوز یتش بر و اوچیوز یتش ایکنجی ماده لرندن استنباط اولنان احکامه توفیقاً اشبو قرارنامه بالانظیم اعلان اولندی .

فی ۲۲ ذی القعدة سنه ۳۲۷ و ۲۲ تشرین ثانی سنه ۳۲۵

بیگ اوچیوز یکریمی بش سنه سی نیسانک اون یدنجی کیجه سی ساعت بش راده لرنده بیغا قضا سنک چرکس تیمورچی قریه سنندن حاجی میت اوغلی عبداللهی خانه سنده قورشونله و قتل قصدیه جرح ایتمسندن ناشی جنایتله اتهام ایدلمش اولان وعقیب وقعه ده فرار ایدرک الیوم وادی فرارده بولنان عن اصل قالقانده لن

قضا سنک روقوس قریه سنندن یکریمی یاشنده تربیقی آرنبود حسنک قانونه اطاعتله محکمه یه کلسی ایچون جانب ریاستدن کندوسنه مجدداً اون کون مهل ویرلمش اولدیغندن مهل مزبور ظرفنده اجابت ایتمدیکی حالده قانونه اطاعت ایتماش نظریله باقیله رق محاکمه سی غیاباً بالاجرا حقوق مدنیه دن اسقاط واموالی جز ایدیه جکی وبوباده برکونا ادعایه حق اوله میه جفی و مرقومک بولندیغی محلی خبر ویرمکه وبالجمله ضابطه عدلیه مأمورلرینک مرقومی در دست ایتمکه مجبور بولندقلری کبی معاملات جزیه حقنده دخی مدعی عمومیلکه تبلیغات اجرا ایدلیکی جهتله اصول محاکمات جزائی قانونک اوچیوز یتش بر و اوچیوز یتش ایکنجی ماده لرندن استنباط اولنان احکامه توفیقاً اشبو قرارنامه بالانظیم اعلان اولنور .

فی ۲۲ ذی القعدة سنه ۳۲۷ و ۲۲ تشرین ثانی سنه ۳۲۵

اسبق بحریه ناظری جلال افندی وکیلی ویرامشایوح افندیکنک درسعادت بدایت محکمه سی ایکنجی حقوق دائره سنه اعطا ایدلیکی عرضخالده موکلنک شورای دولت ملکیه دائره سی اوطه جیسی اولوب باب عالی جوارنده عدلیه خاننده مقیم ایکن چیقوب زریه کیتدیکی مجهول اولان حسن صبری اغا ذمتنده مطلوبی اولان مبالغ معلومه نک تحصیلله ایکی قطعه معاش صورتنک استردادینی دعوی یتش و مرقوم حسن صبری اغانک اقامتگاه ی مجهول اولق حسیبله اولباده کی عرضخال صورتیه تنظیم قلنان بر قطعه دعوتنامه محکمه دیوانخانه سنه تعلیق قلنهرق محاکمه نک رؤیتی دخی اوچیوز یکریمی بش سنه سی کانون اولنک اوتوز برنجی پنجشنبه کونه قرارلاشدیرلمش اولدیغندن یوم مذکورده مرقومک بالذات محکمه یه کلدیکی و طرفندن بر وکیل کوندرمدیکی حالده حقنده معامله غیابه نک اجرا ایدیه جکی معلوم اولق اوزره اصول محاکمه حقوقیه قانونک یکریمی التبیجی ماده سی موجبنه اعلان کیفیت اولنور فی ۱ کانون اول سنه ۳۲۵

هاجی وارطان اغانک کرچی اصنافندن متوفی دیگر وارطان اغا ذمتنده با اعلام شرعی الاجفی اولان مبالغ معلومه نک تأمین استیفاسی ضمننده مدیون متوفانک عهده سنده اولوب اشبو دینی مقابلنده مرهون وفروختی محکوم بولنان قومقوب قربنده محسنه خاتون محله سنده تیاترو نام دیگر عالی پاشا جاده سنده واقع قرق و قرق ایکی نومرولر ایله مرقم ملکی اوقاف مقبوضه دن سلمی خاتون وقفندن و کدکی سلطان محمود خان وقفی کدکاتندن قرق نومرولی منزلی مشتمل قرق ایکی نومرولی بر باب خورده سانجی دکانی ملکی ایله دروننده مشتملاتندن ملک بر عدد خورده سانجی کدکنک تاریخ اعلاندن اعتباراً فروخته تشبث اولنه جغندن طالب اولنلرله پی سورمک ودها زیاده معلومات المق استیانلرک درسعادت اعلامات شرعیه اجرا دائره سنه مراجعت ایلملری لزومی اعلان اولنور

فی ۳ کانون اول سنه ۳۲۵

استانبولده ارغاد پازاری قربنده قالیچه جی حسن افندی محله سنده احسانیه زقاغنده بر نومرولی خانه ده ساکن قارص مهاجرلرندن محمد رمزی افندیکنک کوز تپه ده ساکن قرنا ی سابقه دن فائق بک وکتخداسی

عثمان افندی و اغاسی جعفر اغادن درت پارچه مجوهرات اثماندن بیک بش یوز لیرانک تحصیله دائر اسکدار بدایت محکمه سی حقوق دائره سنده اقامه ایلدیکی دعوانک اجرای محاکمه سیچون کوندریلان دعوتیه ورقه سی ظهرینه مومی الیه فائق بک محل مذکورده اقامت ایتدیکی کبی الیوم نروده اولدینی مجهول بولندیکی کوز تپه ده طوغله جی محمد افندی محله سی امامی حافظ کمال و مباشر علی رضا افندیلر طرفندن یازیلان شرحدن اکلاشلمش اولمسندن طولای اولبابده کی محاکمه اوچ یوز یکر می بش سنه سی کانون ثانیکنک بشنجی صالی کونی ساعت سکرز راده لرنده رؤیت اولنه جغنی مبین تنظیم اولن ان دعوتیه ورقه سی اصول محاکمه حقوقیه قانوننک یکر می التنجی ماده سی موجبجه محکمه دیوانخانه سنه تعلیق قلمش اولدیغندن مومی الیهک یوم ووقت مذکورده بالذات محکمه ده حاضر بولنسی ویاخود طرفندن بر وکیل کوندرمی و عکسی تقدیرده قانون مذکورک یوز قرق بشنجی ماده سنه توفیقاً حقنده معامله غایبه اجرا قلنه جغنی اعلان اولنور فی ۵ کانون اول سنه ۳۲۵

اوچیوز یکر می بش سنه سی آغستوسنک یکر می سکرزنجی جمعه کیجه سی طوپخانه ده دفتردار محله سنده کراسته جی زقاقنده واقع قصاب حاجی ادهم افندیکنک متصرف وکندوسنک مستاجر بولندیکی خانه یی سیغورطه بدلنه طمعاً و قصداً احراقه تصدی ایتدیکی ادعاسندن طولای مظنون علیه اولوب هیئت اتهامیه جه جنایتله اتهام اولنهرق حقنده اخذ وکرفت امری ویرلمش اولان و مذکور خانه ده مستاجراً و متاهلاً اقامتله مذکور خانه جوارنده کائن دکانده بقاللق ایدن اوزون بویلی الا کوزلی قره بیقلی اسمر بکزیل اوچ یاز اوچ یاز سنه شار کویلی استراطی تئو خاریدی ولد نیقولا الیوم اثبات وجود ایتهمش اولدیغندن اصول محاکمات جزائییه قانوننک اوچیوز یتش برنجی ماده سی موجبجه محکمه یه کلسی ایچون اشبو تاریخدن اعتباراً جانب ریاستدن مجدداً اون کون مهل ویرلمکله اشبو مدت ظرفنده کلدیکی حالد کندوسنه قانونه اطاعت ایتهمش نظریله باقیله رق محاکمه سنک غایباً بالرؤیه حقوق مدنیهدن اسقاط و اموالی حیز اولنه جغنی و بوائنده بر کونه دعوی اقامسنه حق اوله میه جغنی وعلیه نه دعوایه قیام ایدیه جکی کبی بولندیکی محلی بیلنلرک خبر ویرمکه و بالجه ضابطه عدلیه مأمورلرینک کندوسنی دردست ایتهمک مجبور اولدقلمق مبین اشبو قرارنامه اصول محاکمات جزائییه قانوننک اوچیوز یتش ایکنجی ماده سندن استنباط اولن ان احکامه توفیقاً تنظیم و معامله جزیه حقنده تبلیغات مقتضیه سنک اجرا و سائر معاملات ایفا اولنق ایچون نسخه کافیه سی مدعی عمومیلکه تودیع قلندیکی اعلان اولنور .

اوچیوز یکر می بش سنه سی تشرین ثانیسنک اون یدنجی صالی کیجه سی علی نیازی افندی یی بالتهور بچاقله جرح و قتل ایلدیکی ادعاسیله مظنون علیه اولوب حال فرارده و اوصاف و اشکالی غیر مضبوط بولن ان چارشو ایچنده چوربا صایحیسی مناسترلی ارناوودیوسفک اصول محاکمات جزائییه قانوننک مواد مخصوصه سی احکامنه توفیقاً جنایت محکمه سنده محاکمه سی اجرا قلنمق اوزره قانون جزانک یوز یتش دردنجی ماده سی موجبجه جنایتله اتهامه قرار ویرلیدنک متهم مرقومک هر نروده کوریلورایسه طوتیلوب محکمه مذکوره توقیفخانه سنه

تسلیمی لازم کله جکی بالجه ضابطه عدلیه مأمورلرینک معلومی اولق اوزره اشبو اخذ و کرفت مذکره سی در سعادت هیئت اتهامیه سندن بالتظیم اعطا قلندی .

فی ۸ کانون اول سنه ۳۲۵

اوچیوز یکر می درت سنه سی شباطنک یکر می بشنجی چهارشنبه کیجه سی مالته ده عریانی زاده مرحومک زوجیه سی خانمک کوشکندن ذیقیمت اشیا و مجوهرات و انکلتیه دولت فخمیه سی تبعه سندن موسیو آرتورک شراخانه سندن کراسته لرنی و تمیز جزا کتبه سندن فوزی و پیاده دائره سی متقاعدیندن راتب بکلرک خانه لرله خرستونک اخورندن اشیا لرنی سرقت ایتدنکندن طولای مظنون علیه اولوب هیئت اتهامیه جه جنایتله اتهام اولنهرق حقندن اخذ و کرفت امری ویرلمش اولان آدم ورفقاسنک شریک تهمتلری اولان بروسه ده قوزغنجق محله سنده ساکن اورته بویلی سیاه صاج وقاش و الا کوزلی اسمر بکزیل قاطرچی عبده اوغلی یکر می بریاشنده صبری وقاضی کوینده قوربغلی درده اقامتله چری باشی وکیلی دینلان قرق یاشنده دمیرچی قبطی خلیل بن علی و سکرزنجی دائره بلدییه طلوبه قغوشنده ساکن طلوبه جی خرپوتلی اوچوز ایکی یاشنده مقصود اوغلی رسول و مالته ده ساکن قرق یاشنده مصطفی نعمان دانی بن ولی و کزکنجی مقوله سندن چیچک بوزوغی یوزلی اولوب اوصاف و اشکالی غیر مضبوط کرد نام دیگر دلی محمد و آرنادو کریم حال فرارده اولوب الیوم اثبات وجود ایتهمش اولدقلمق اصول محاکمات جزائییه قانوننک اوچیوز یتش برنجی ماده سی موجبجه محکمه یه کلسی ایچون اشبو تاریخدن اعتباراً جانب ریاستدن مجدداً اون کون مهل ویرلمکله اشبو مدت ظرفنده کلدیکی حالد کندولرینه قانونه اطاعت ایتهمش نظریله باقیله رق محاکمه سنک غایباً بالرؤیه حقوق مدنیهدن اسقاط و امواللری حیز اولنه جغنی و بوائنده بر کونه دعوی اقامسنه حق اوله میه جغنی وعلیه نه دعوایه قیام ایدیه جکی کبی بولندقلری محالری بیلنلرک خبر ویرمکه و بالجه ضابطه عدلیه مأمورلرینک کندولرینی دردست ایتهمک مجبور اولدقلمق مبین اشبو قرار نامه اصول محاکمات جزائییه قانوننک اوچیوز یتش ایکنجی ماده سندن استنباط اولن ان احکامه توفیقاً تنظیم و معامله جزیه حقنده تبلیغات مقتضیه سنک اجرا و سائر معاملات ایفا اولنق ایچون نسخه کافیه سی مدعی عمومیلکه تودیع قلندیکی اعلان اولنور

فی ۹ کانون اول سنه ۳۲۵

قاضی کوینده قصاب اصنافندن واسیل مانغهنک دکانی فوقنده کی اوطه سنده بولن ان قاصه سی آلت مخصوصه استعمالیه شکست ایله معلوم المقدار اچقه سی سرقت ایلدکلی ادعاسیله مظنون علیهمدن اولوب الیوم حال و فرارده بولن ان واپور اسکله سی جاده سنده موقتخانه زقاغنده یکر می بش نومرولی دکانده پروکار یورکی ولد خرستو و غلطه ده عرب جامنده نچشنبه بازارنده باقر زقاغنده کراسته جی مصطفی افندیکنک متصرف اولدینی ایکی نومرولی خانه ده همشیره سی الساوات ایله اقامت ایدن قیومجی استراطی و غلطه ده حصار دیننده اوسیان افندیکنک متصرف بولندیکی یکر می آلتی نومرولی خانه ده ساکن تیمورجی اندون ایله غلطه ساکنلرندن و فرانسه دولت فخمیه سی تبعه سندن طودونک اصول محاکمات جزائییه قانوننک مواد مخصوصه سی احکامنه

توفقاً موقوف بولنان رفیقاری ایله برلکده درسعادت جنایت محکمه سنده محاکمه لری اجرا قلنمق اوزره جنایتله اتهاملرینه قرار ویرلیدکندن متهمون مرقومه نك هرزده کوریلور ایسه طوتیلوب محکمه مذکوره توقیفخانه سینه تسلیم لری لازم کله جکی بالجله ضابطه عدلیه مأمورلرینک معلومی اولق اوزره اشبو اخذو کرفت مذکوره سی درسعادت هیئت اتهامیه سندن بالتنظیم اعطا قلندی
۹ کانون ثانی سنه ۳۲۵

غلطه ده تونل جاده سنده ۳۳ نومرولی مغازه ده مقیم عطریات تجارتیه مشغول مادام ترمز حصارک ۹ کانون اول سنه ۳۲۵ تاریخندن اعتباراً اعلان افلاسنه ومصالح افلاسیه سنک رؤیت وتسویه سی ضمننده اعضای محکمه دن هرانت اصادور افندی ژوژ قومیسر ودعوی وکیللرندن کیرقور سنیاپیان افندی موقت سنديک تعینلرینه ومغازه سیله دپولرنده کی اموال تجاریه واشیای زائده بیتیه سنک تمهیرینه واوراق ودفاترینک جنبه وكفالت مصدقه ارئه ایدهمدیکی تقدیرده حبس وترقیفه وبوباده کی قرارک موقه احراسته تجارت بحریه محکمه سندن قرار ویرلمش اولدیغندن قانوننامه تجارتک یوز یتمشنجی ماده سی موجبجه دائمی سنديک لری انتخاب اولنق اوزره اصحاب مطلوبک اشبو بیک اوچیوز یکر می بش سنه سی کانون اولنک یکر می دردنجی پنچشنبه کونی ساعت ۹ راده لرنده محکمه نك افلاس معاملاتنه مخصوص اوطه سنه کلری لزی می اعلان اولنور .
۹ کانون اول سنه ۳۲۵

قاضی قریه سنده یالی کنارنده مغازه سنده مقیم کراسته تجارتیه مشغول ماردیروس تحت برونیان افندی نك ۹ کانون اول سنه ۳۲۵ تاریخندن اعتباراً اعلان افلاسنه ومصالح افلاسیه سنک رؤیت وتسویه سی ضمننده اعضای محکمه دن لطفی بک ژوژ قومیسر ودعوی وکیللرندن یورغا کی افمیانی دی افندی موقت سنديک تعینلرینه ومغازه سیله دپولرنده کی اموال تجاریه واشیای زائده بیتیه سنک تمهیرینه واوراق ودفاترینک جنبه وكفالت مصدقه ارئه ایدهمدیکی تقدیرده حبس وترقیفه وبوباده کی قرارک موقه احراسته بحریه محکمه سندن قرار ویرلمش اولدیغندن قانوننامه تجارتک یوز یتمشنجی ماده سی موجبجه دائمی سنديک لری انتخاب اولنق اوزره اصحاب مطلوبک اشبو بیک اوچیوز یکر می بش سنه سی کانون اولنک یکر می دردنجی کونی ساعت طقوز راده لرنده محکمه نك افلاس معاملاتنه مخصوص اوطه سنه کلری لزومی اعلان اولنور .
۹ کانون اول سنه ۳۲۵

میخائل وبرادری قسطنطنینک ارستیدی ونعوم واقیمیه ذمتلرنده اسکدار بدایت محکمه سی حقوق دائره سی اعلامیه محکوم به آلاجلاری اولان معلوم المقدار اقیچه نك تأمین استیفاسیچون مدیون مومی الیه مانک عهده تصرفلرنده اولوب قبل المحاکمه محجوز وبوکره فروختی قرارکیر بولنان چنکل قریه سنده یکی محله زقاغنده واقع عتیق اوچ وجدیت یدی نومرولر ایله مرقم دروننده ایکی قات اوزینه مبنی اوچ اوطه وبر آخور وایکی عدد دولابی کیر قیو و بر خوض ایله اشجار مشره وغیر مشره یی حاوی تخمیناً اوتوز اوچ دونمندن

عبارت وایکی طرفی طاش دیوار ایله محاط بولنان بر باب بوستانک تاریخ اعلاندن اعتباراً اون بش کون صکره بلمزایده فروخت اوله جگی اسکدار بدایت محکمه سی اجرا دائره سندن اعلان اولنور .
فی ۱۵ کانون اول سنه ۲۲۵

شکری بکک صلاح الدین بک ذمتنده اسکدار بدایت محکمه سی اعلامیه محکوم به آلاجلاری اولان معلوم المقدار مبالغک تأمین استیفاسیچون داین مومی الیه نامنه وفاء مفروغ وفروختی محکوم بولنان قاضی قریه سنده عثمان اغا محله سنده ریختم اسکله سی جاده سنده مکرر ایکی نومرولو و یوز یتمش ایکی زراع عرصه اوزرینه مبنی یدی اوطه ایله متعدد صوفه لری ومقدار کافی باغچه ایله مشتملات سائره یی محتوی وهو اغازی وترقوس صویوللریله مجهز بر باب خانه نك تمامی لیدی المزیاده قرق بیک غروش التون آقچه بدل ایله طالبی عهده سنده تقرر ایدرک موقت قرارداده سی کشیده قلندیغندن تاریخ اعلاندن اعتباراً اوتوز برکون ظرفنده لاقل یوزده بش ضمیمه طالب اولانلرک یوزده اون نسبتنده کی دیپوزیتو اقیه لرینی مستصحباً اسکدار اجرا دائره سنه مراجعت ایتلری ومدت مذکوره ختامنده یعنی شهر کانون ثانی نك اون دردنجی پنچشنبه کونی ساعت طقوز راده لرنده صوک مزایده علنیه سی اجرا وقرارداده قطعی سی کشیده قلنمق اوزره مارالذکر املاک مذکوره پیشگاهنده مأموری مواجهه سنده حاضر بولنلری دائره مذکوره دن اعلان اولنور .
۱۵ کانون اول سنه ۳۲۵

ترکس قلفه نك ام کلثوم خانم ذمتنده با اعلام محکوم به آلاجلاری بولنان معلوم المقدار مبالغک تأمین استیفاسی ضمننده تحت حجزه النوب فروختی قرارکیر بولنان قاضی قریه سنده ارن کوی جاده سنده طوغله جی باشی حاجی مصطفی افندی محله سنده مکرر قرق ایکی نومرو ایله مرقم اون ایکی قطعه اوطه وایکی صوفه وبر حولی وبر مطبخ وبر ارباهلق وبر قیوی حاوی متصرفه اولدیغنی معلوم الحدودانیه وکروم واشجاری ملک مع کوشک برقطعه باغک نصف حصه سنک سکر حصه اعتباریه بر حصه سی وینه ایکی بچق دونمندن عبارت بولنان مذکور کوشکک دیگر نصف حصه سنک بیک درتیوز قرق سهم ترتیبیه یوز قرق بر سهمی لیدی المزیاده بیک بشیوز غروش التون اقیچه بدل ایله طالبی عهده سنده تقرر ایدرک موقت قرار داده سی کشیده قلندیغندن تاریخ اعلاندن اعتباراً اوتوز برکون ظرفنده لاقل یوزده بش ضمیمه طالب اولانلرک یوزده اون نسبتنده کی دیپوزیتو اقیه لرینی مستصحباً اسکدار اجرا دائره سنه مراجعت ایتلری ومدت مذکوره ختامنده یعنی کانون ثانی نك اون بشنجی جمعه کونی ساعت طقوز رادلرنده صوک مزایده علنیه سی اجرا وقرار قطعی سی کشیده قلنمق اوزره مارالذکر املاک مذکوره پیشگاهنده مأموری مواجهه سنده حاضر بولنلری دائره مذکوره دن اعلان اولنور .
فی ۱۵ کانون اول سنه ۳۲۵

خرستا کی اندریاری افندی نك محمود بهیج بک ذمتنده با اعلام محکوم به آلاجلاری بولنان معلوم المقدار مبالغک تأمین استیفاسیچون مدیون مومی الیه عهده تصرفنده اولوب محجوز وفروختی مقرر بولنان اسکداردد

آلتونی زاده محله‌سند کوجک چملیجه جاده‌سند مکرر اون اوچ نومرولی درت اوطه وبر صوفه و بر مطبخ وایکی آخور وایکی عدد قیوی ودرت دوم یوز زراع باغ محلی حاوی بر باب کوشکک نصف حصه‌سی تاریخ اعلاندن اعتباراً اون بش کوندن صکره بالمزایده فروخت اولنه‌جغندن طالب اولنلرک ودها زیاده معلومات آلمق استیانلرک اسکدار بدایت محکمه‌سی اجرا دائره‌سند مراجعت ایلملری اعلان اولنور.

فی ۱۵ کانون اول سنه ۳۲۵

سرکز اسمریان افندی‌نک قیامه‌جیان بغوص افندی ذمتنده بااعلام محکوم به الاجنی بولنان مبالغک تأمین استیفاسی ضمننده داین مومی الیه یدنده مرهون اولوب فررحتی محکمه قراری اقتضاسندن بولنان برعدد مستعمل شال ایله ایکی صندوق یمک طباقلری شهر کانون اولک یکرمی برنجی بازار یرتسی کونی درسعادتده جواهر بدستاننده بعدالمزایده فروخت اولنه‌جغندن طالب اولنلرک یومومحل مذکوره ساعت یدی راده‌لرنده مأمور مخصوصنه مراجعت ایلملری اسکدار اجرا دائره‌سندن اعلان اولنور ۱۵ کانون اول سنه ۳۲۵

قاضی کونینده بازار یولی جاده‌سند مقیم مانیفوطوره تجارتیه مشغول مانوق غیدودیانک ۱۵ کانون اول سنه ۳۲۵ تاریخندن اعتباراً اعلان افلاسنه و مصالح افلاسیه‌سندک رؤیت وتسویه‌سی ضمننده اعضای محکمه‌دن لطفی بک افندی ژوژ قومیسر ودعوی وکیللرندن حیدر رفعت وخطر سیمون افندیلر موقت سندیک تعیینلرینه ومغازه‌سیله دپورلنده‌کی اموال تجاریه واشیای زائده بیتیه‌سندک تمهیرینه وارق ودفاترینک جلبه وکفالت مصدقه اراکه ایدهمدیکی تقدیرده حبس وتوقیفه وبوباده‌کی قرارک موقتاً اجراسنه بحریه محکمه‌سندن قرار ویرلمش اولدیغندن قانوننامه تجارتک یوز یمشنجی ماده‌سی موجبجه دائمی سندیکلری انتخاب اولنق اوزره اصحاب مطلوبک اشبو بیک اوچیو یکرمی بش سنه‌سی کانون ثانینک طقوزنجی جمعه‌یرتسی کونی ساعت سکرز راده‌لرنده محکمه‌نک افلاس معاملاتنه مخصوص اوطه‌سنه کللری لزومی اعلان اولنور

۱۵ کانون ال سنه ۳۲۵

ککبوزه قضاسنه تابع داریجه ناحیه‌سی اهالیسندن سقار اوغلی دیمتری ولد استفانینک داریجه ناحیه‌سندک ایا نیقوله محله‌سندن مانول ولدینایوط جانته‌تی علیهنده برقطعه سند موجبجه اون عددلیرای عثمانی الاجغندن دولای ککبوزه بدایت محکمه‌سی حقوق قسمنه اقامه ایلدیکی دعوا اوزرینه مباشر واسطه‌سیله کوندریلان دعوتیه ورقه‌سی ظهیرینه محله‌سی مختاری طرفندن یازیلان شرحده مرقوم مانول بوندن اون الی سنه اول آفریقایه کتدیکنندن شمدی زرده بولندینی مجهول ایدوکی بیلدیرلمش ومدعی مرقومک وکیلی واسیلاکی افندی مدعی علیک اعلانات لازمه اجراسیله محکمه‌یه دعوت ایدلمسنی طلب ایلش اولدیغندن اصول محاکمه حقوقیه‌نک یکرمی التنجی ماده‌سندک فقره اخیره‌سی موجبجه مدعی علیه مانول حقنده‌کی دعوتیه

ورقه‌سندک برنسخه‌سندک محکمه دیوانخانه‌سنه تعلیقنه وبر صورتکده غزته‌ایله اعلانه قرار ویرلمش ومحاکمه‌نک اوچیویکرمی الی سنه‌سی مارتندک برنجی بازار یرتسی کونی ساعت التیده اجراسی تنسیب ایدلمش اولدیغندن یوم و وقت مذکوره مدعی علیه مرقومک ککبوزه بدایت محکمه‌سی حقوق دائره‌سند بالذات حاضر بولمسی و یاخود مصدق بر وکیل کوندرمسی و عکسی حالده احکام قانونیه توفیقاً محاکمه‌نک غیباً فصل و رؤیت اوله‌جنی اعلان اولنور .

فی ۱۵ کانون اول سنه ۱۳۲۵

خرستونک قاضی قریه‌سند آیت‌ریادی کلیسای جوارنده واقع مکتبده معلمه نارس خانم ذمتنده بااعلام محکوم به آلاجنی اولان مبالغک تأمین استیفاسی ضمننده مدیونه مومی الیهانک مالی اولوب داین مرقوم یدنده محفوظ بولنوب فروختی مقرر بولنان کبیر بر عدد پیانو کانون اول رومینک یکرمنجی بازار کونی ساعت بشدن التیه قدر داین مرقومک قاضی قریه‌سند موده جاده‌سند اککجی فرونی اتصالنده‌کی خانه‌سی اوکنده بالمزایده فروخت اولنه‌جغندن طالب اولنلرک الیوم وساعت مذکوره حاضر بولنلری اسکدار اجرا دائره‌سندن اعلان اولنور .

فی ۱۶ کانون اول سنه ۳۲۵

متوفی هاروناجی افندی ورثه‌سندک بیروت والی اسبقی محمدعلی بک ذمتنده محکوم به معلوم المقدار مطلوبنک استیفاسی ضمننده مدیون مومی الیهک عهده تصرفنده اولوب وفاء مفروغ وفروختی حکم اعلامه مستند اولان درسعادتده سلطان بایزیده امین بک محله‌سند اوچیولر باشی جاده‌سند کائن یکرمی طقوز نومرولی ویوز بش زراع عرصه‌ده مبنی فوقانی اون ایکی اوطه‌ی و تختنده اوتوز بر و اوتوز اوچ نومرولی دکانلری مشتمل بر باب خانک تاریخ اعلاندن اعتباراً اون بش کون صکره بالمزایده فروخته تشبث اولنه‌جغندن طالب اولنلرک ودها زیاده معلومات آلمق استیانلرک بک اوغلی اجر دائره‌سند مراجعت ایلملری اعلان اولنور.

فی ۱۶ کانون اول سنه ۳۲۵

خرملبو اغنانوستی افندی‌نک بک اوغلی بدایت محکمه‌سی ایکنجی حقوق دائره‌سی اعلامیه مادام اغاطه‌بنت فرانجسقه ذمتنده الهجنی اولان مبالغ معلومه‌نک تأمین استیفاسی ضمننده دائن مومی الیه عهده‌سنه وفاء مفروغ وفروختی محکوم اولان پانغالتیده بیوکرده جاده‌سند کائن تختنده بر باب دکانی درت آپارتمانی اودون وکمر دپولرینی و فوقنده چاشیرلق و طراسی ویوز اوتوز الی آرشون مقداری باغچه‌ی مشتمل سلطان بایزیدولی حضر تلرینک قاسم پاشا جباتی وقفندن قرق بر ومکرر قرق بر نومرولی بر باب کارکیر عقارک تاریخ اعلاندن

اعتباراً اون بش كون صكره بالمزايدة فروخته تشبث اولنه جغندن طالب اولوب دهها زياده معلومات المق
ايتيانلرك بك اوغلي اجرا دائر مسنه مراجعت ايتلري اعلان اولنور .

في ١٦ كانون اول سنه ٣٢٥

